

平山詩存

夏啟瑜題



人日正題詩漫天忽飛雪檜頂瓦溝間但見寒光瞥七日數後期
纔是立春節春前得見白年豐端可決南北久用兵民困甚如割
去歲大有年稍可資存活今若歌屢豐亂機庶漸邊憂國視此心
喜極失饑渴

煨芋

一室蕭然夜氣激片心證到玉壺冰梅趨席上閒酬酢懶問人間
暴廢興廿載因循成久客萬緣枯寂肖殘僧更闌煨芋聊支餓倦
就繩牀自掩燈

春寒

入春逾一月難得笑顏開亂意慵談往憐衰厭察來但求吾夢穩
且任此心灰歲閏寒猶重呼僮滌酒杯

殘生

槁木形骸失故吾聰明漸已入糊塗茶聲不覺干回沸棋劫渾忘
幾度枯人事百年隨變滅吟身一榻自枝梧起居但得無時適藉
餒殘生亦壯圖

自寬

終日牢愁笑太癡少年何樂老何悲鐘鳴漏盡無聊景也是黃梁
一頃炊
驚心世路盡羊腸憂患如山枉自傷悟到波濤忠信語人間何地
不康莊

夜與范氏女談已亥虔州舟觸灘石事

天柱灘頭碎巨艦三人脫險意徬徨相依寡女空餘淚永感慈暉

幾斷腸一點寒燈光黯黯卅年影事水茫茫夜分輾轉難成寐臥
看西窗月半牆

次病山寄懷韻

歸去難求老圃師榛蕪滿地此羈遲掩荆長日渾忘悶炊桂頻年
自忍飢齒耄襟靈疑未汨身閒意境入無爲卻餘一事心猶壯不
信江山氣已衰

雨夜吟集書事

果然無疾又何呻憔悴殘生滯海濱蜃氣蒸成三日雨鶯聲擱盡
萬花春十年裘葛干戈裏一席丹鉛耄老身幽意幸容晨夕慰過
從時有素心人

餘寒

室虛燈影瘦夜靜市聲沈短夢回孤枕餘寒殢破衾悶持懷友意
寫入鍛詩心晚景枝梧易終悲隔故林

酒夢

偃仰過長日冥濛望太空春深寒尙重雲驟變難窮萬事兵塵裏

羣生酒夢中橫流渺無際誰障百川東

世風升降關天意底爲焚坑動百憂君看西京鐘鼓盛伏生九十

一春秋

少陵詩史極煩憂事往追思殆贅疣不見汾陽諸將死詩人唱和

又三州

輓玉蒼

...

梓鄉春榜論同年惟我與君最後死曾持此意慰衰孱以一詩
付雙鯉答書逾月竟杳然極目燕雲耐延跂急從臯壻訊何如書
還語益涉疑似但言宿恙無驟增三餐依舊饜甘旨足雖不良容
貌腴家政仍能自振理恰逢新歲祝宜春又修尺書問動履君乃
腕顛難自持染翰無功厭操紙爲訴無限感歉懷口授吾女道原
委郵箋八日來偏遲電赴先期遽到耳五十餘年膠漆情哀哉今
日長已矣回憶逾冠官京朝是爲與君締交始君遊鳳池我考功
蹤迹過從最密邇飲冰茹蘖惜羽毛壯志相期在千里羨君綜覈
有真才堅苦卓絕時自矢廿年人事相推遷我竟一麾出江汜君
以拳亂支艱危獻替迭得天顏喜晝日三接恩眷新臺省翔華世
競美邯鄲一枕俄頃炊山水遊蹤忽南徙木蘭堂上續清歡申意

葭玉重相倚無何朝局如沸羹東海狂塵颺然起竭來龍漢劫益
深擾攘干戈越一紀君自戡影依舊都園收橡栗怡菊杞念我飄
泊久江濱屢促北遊戒行李我恐駝棘滋傷心幾度欲行輒復止
天涯地角各一隅聊此枝梧養暮齒誰知穀貴沒潛夫死生分自
亂離裏一樽相屬永無期寢門流慟空復爾從遊泉壤後不疑拚
教萬事盡流水

讀詩甫就又得京信再誌一律

炊時無疾靜歸神生世知君自有真刮目相看官罷日

君到蘇州日夜間

談郁務纍纍如數貫珠綜覈之精視少年時又突過之殊可歎

服近與魯青論同鄉人才謂君做官實有勝人處亦公道也

尤無垢劫餘身沒甯信是全歸福亂熾誰憐後死人朔雁重來詳

病狀一哀淚欲掩衣巾

至人每無夢夢多溺於情少時識夜氣夢境漸能清風塵誤插脚
身外絆浮名無怪邯鄲路不獲屏諸營邇來事幽曠萬事鴻毛輕
絢爛入平淡意可存吾誠如何復憧憧一瞋夢輒成息心亟蕩滌
魔力終崢嶸豈其血氣衰無以制三彭抑豈戕賊久萌蘖無由生
何因又何想此理不易明睡醒一猛省撫枕媿燈檠

詩人之窮無過少陵者出峽到荆南時處境尤窘詩以哀之
俗薄山川美詩精道路窮少陵垂暮日夔峽苦寒中一飽艱炊玉
全家困轉蓬彼蒼何太酷咄咄怪書空

心醫釋疑 余前作心醫詩人有不盡信者作此以釋其疑
陶庵創解言心醫此說靈樞固不載證我平日所見聞理若並行

不相悖我聞建郡積習深百病俱食高麗葷食之而死命有定弔
客羣諒孝子心旋過豫章問民俗有病每教人食肉醫家費盡百
工夫彼乃得肉疾便復塌來歇浦訪同鄉富翁更喜求神方謂避
近時醫價貴獲效況比庸醫強又如近人喜西法中西兩醫分派
別第舉淺近一二端彼此已不免齟齬中醫苦勸薄滋味西醫京
雞了無忌中醫遇病令避風西醫翻要吸空氣問其異同究何理
卒不能言其所以病家懵然各相從幸如可徼病亦已神農本草
元靈奇鑒此種種能勿疑古人謂醫者為意是或一道當深思藥
如皆靈病皆起人生自古可無死所以聖學重養心醫師但列為
方伎

和庸叟遊江灣葉園韻

世界大千都是春一經目賞便生新林樊寂歷知誰主花木清幽
默有神勝地例難祛俗土韶華天自福閒人舊京廿載馮園夢義
門外馮子立花園牡丹黑綠兩色尤勝視園中牡丹種類為多今日傷心沒戰塵

和林甥謙宣宛在堂修禊韻

香火湖塘憶乞靈夢魂猶戀老成型支離今已成蒼叟談笑時還

厭白丁豈忍故山長此別獨持老眼向人青傷心前路猶荆棘慘

淡風雲歷下亭

時濟南為日人所佔

邂逅相逢亦聚賢吳淞剪水話吟邊澄觀何意憂千歲浪迹無端

滯七年純味傷心違故土荔香得句夢西禪只慚不解流觴趣未

向人垂嗜翹涎

小詩看雲



閉門又度落花風一片浮雲滓太空萬化祗應歸象外百年不遣
入愁中定知駐想凝神處儘有平矜釋躁功掃地焚香閒過日不
妨人認作癡聾

謹題先文慤師手錄王文成客座私祝

吾師慕文成潛心在學案微旨契良知斯道本一貫手錄客座箴

朋從懲畔援有味前哲言子賢不忘訓韓君與蘧君時正值童冠

玉樹立亭亭美譽副月旦韓也喜明文氣骨特崖岸蘧則養正深

天真極爛漫退食游師門歡洽久無間耳熟詳家規井井條不紊

絕憶叨祭餘豚肩備賓宴時或供小餐苜蓿可抄飯一日進謁師

可以餽客因留早餐意以為必豐饌及入座設六盞豚肩之外別無佳味尋常留食點心多以雞子抄餘飯司農家食乃儉嗇如此

儉德諷時流難罄一辭贊天語褒清廉曾見宸章煥師更恤孤寒

汲引無或靳謂無長裘恩口惠豈容吝師喜為寒士薦引嘗曰天口惠又光霽寫胸襟氣嚴語每異及門坐春風優游自判奐韓君豈可吝襲父風殆已思過半所以當路時拔茅以彙進今復讀遺楸意豁若冰泮家法溯淵源裕後臆可斷弟子記緒餘自是見所見一鱗半爪談備補史官傳

謹題 先文愨師手書楹聯

光緒歲丙子文星正南指衡鑒堂宏開玉尺持無倚猥獎五經文取進呈御几賤子樗櫟材受知自此始通籍官考功十年陪杖履飲食教誨恩不以眾人齒聖眷方優隆蹇蹇匪躬矢昂然鸞鶴姿足式百僚靡貳卿儻畫諾深引以為恥庫吏行奸欺發難豈得已誰料意氣生遂令讒間起大體不自存傾軋此何理罷直侍塵談



祇付一笑耳師喜臨墨池餘事亦道美休沐時多閒乞書十三紙撮要示格言鞭辟語入裏誦習資終身何止拱壁抵今日瞻遺墨庭訓政自爾觸緒追前塵涕淚迸如泚屬續臨榻前卅載崩波駛九原不可作萬感集後死

謹題 先文愨師手繪顧湘波太守因陋草堂圖

師故能文章所蓄道德備學說尊程朱玩物戒喪志小道不足觀謂恐致遠泥師常言小道不足觀相卜之區區六法間豈屑措諸類亦有奇驗者然皆偶中耳意親炙非一時相規只道義尋常接清談從未涉繪事今忽觀遺圖儼然一絕藝文節有師承落紙益元氣但溯作圖時遠在乙丑歲知是偶為之隨手輒廢置真迹無多留不以此問世及觀題後詩悠然益有會淡泊甯靜懷初不局於畫以畫傳吾師殊未見其

大後嗣重手澤寸寸皆名貴吾徒嚮往心當在畫之外

三月十九日

隱隱咽飛笳雲間戰氣遮時見飛機可憐明月色慘淡照窗紗

齊魯青何許烽烟紙上浮報載濟南戰耗甚急莫談兒戲事且作墨池遊

次弢叟和樊山大覺寺觀杏花韻

頻年辜負幾春風頽廢難陪鬢鏤翁俗好任教趨姪紫芳塵猶自

戀殘紅蘇州杏花光豔奪日舊作有行過江南看春雨始知俊遊人世有花光二語詞人以杏花專屬江南非空言也

人飽尋春福古刹天居護法功不見老僧說無盡雲間衣狗總成

空

三月二十日次曾孫生

今日時正申吾孫又生子啼聲亮而洪長當不委靡頻年遭家阨

諸子後先死似續今漸蕃差強人意耳舉家聲歡騰吾亦不無喜
晚景憐桑榆七十過四矣長成彼何時見到何時止悠悠觀蒼天

若忘其所以

讀昌黎秋懷詩

豈必求贏餘所要石與甌昌黎語家常微旨可深勘人類多賤貧

天地本有憾士若不固窮大禍易汎濫須知黃梁炊炊熟迹亦暫

天道循如環絢爛入平淡所以箴後生自修利用闡文字勤丹鉛

恥作浮名噉獨處昂軀尊高明慮鬼瞰顏巷簞瓢言知公復之三

再和弢叟大覺寺韻

萬變都歸馬耳風未妨漂泊陋孱翁悲來不怪鬚難黑髮稍變黑而鬚已全

白課罷纔知日已紅夜間臨帖每至天明敢以言貧辜夙學頗疑佚老有新

功殘年更事真成厭癡黠螳蟬總是空

贈張宣仲

憶君解組歸鄉日正是軍書旁午時京國卅年談舊夢衙齋三月
賴良規變經桑海觀能澈老課孫曾力未疲年越懸車無我責不
持寸鐵且鑿詩

宜仲回贛時余適攝省事延聘入幕茲因避亂居滬又訂詩鐘社約

枕上懷長安

朋舊半天下年深會面難不知幾生死何自寫心肝冠蓋干場盛
燈檠一枕寒貧交還耐久廿載憶長安

叟叟詩來中有耐貧自檢平生學長健應關寡欲功二語蠅

頭細楷精采盎然積感生慚作此自警

鬼喜瞰高明長貧亦何慨我絕不言貧公許我能耐耐貧從不貪

金銀識其氣鞭辟理入微靈府敢自穢更言寡欲功前修固未味

身外無長物頗知戒喪志齷居二十年暖老靡所愛常持此區區

殘生自厲淬欲期理之純甚恥躬不逮慰誨辱殷勤初佩入膺肺

浣誦蠅頭書晨夕贖愧對風

豈非近事雜感五首

發區白骨與山齊婦寡兒孤塞路啼忍看天魔人競舞歡場散後

醉如泥

跳舞

捲紙爲烟海舶輸金錢千百儘須臾米囊變相痛狂毒飲鳩人間

又一途

紙烟

離合神光別有天犁軒奇技眾轟傳誨淫誨盜窮形相戕賊人間

幾少年

影戲

戲馬場中興漸闌棄人用犬又狂歡干戈滿地今何世贏得童昏

狗寶鑽賽犬 許天卒博會戲

鬼工使氣效馳驅五載風行萬眾趨試向歲終稽死籍殉身輦下

幾無辜汜車 金逾千百盡與冰糞變臥前

危言四言

聞鵠康節語無根門戶甯須意見存蠶觸同歸一蝸角伏尸百萬

豈非冤

世事於今歧又歧雪獨亂局可勝悲漁人鵝蚌尋常語怪底蚩氓

了不知

協而謀我復何言勢到危時亟自存嘗膽臥薪一心力誰堪整頓

舊乾坤



話夢集仿少陵八哀之例有歎舊懷賢詩若干首當時有因

辛以親炙日淺未及備詳者而屬在受知不能獨付闕如今復

書志補敘四首 補敘四首

毛文達尚書師與初 師勦捻匪辦洋務游擢正卿勳勞夙著

丁丑會試以吏部尚書充總裁次年丁內艱服闋回京在

告日多伏枕時適拜兵部尚書之命時壬午二月也余於

榜後晉謁一次以後即罕相見

燦爛卿雲冠六官老臣正色式朝端節旄靖寇虜公奏繁敦宣勤

毅力殫炳史大名垂世永飾終美諡竝時難滿城桃李前緣在木

壞山頽淚暗彈

馮展雲中丞師署驥 師在籍主講應元書院衡文注重手法

格律視路閩生仁在堂為嚴乙亥師以內閣學士督閩學
刊書院課藝示諸生余是時適應童試正場題係亦長吾
之長至者秦人之炙手法極窘閱一小時始成破題二句
蓋徵後草草以散行三段完卷獲雋入庠師旋擢陝撫到
京後始往修謁師貌癯似太白氣宇峻峭清辯滔滔出京
赴陝後遂不再相見矣

童子軍前辱受知握衣京邸憚嚴師吏求悃悞呵澆習陝吏在京謁見有請
栽培者師曰栽者培之藥忌陰柔斥俗醫師醫取陳修園忌涼藥
君不自裁何培之有師書法重當時名在翁常熟之上嘗為余書一
書法端凝珍墨寶聯云舊學商量加邃密新知培養轉深沉款稱
年兄師稱謂極講究有同年之孫稱大名場束縛梳文規平生崖
岸難容物後輩吹毛竟索疵師為翰林老輩於後輩輒呵斥之任
年伯者師斥之日不稱年祖何其謬也
陝撫因案查辦以小過罷官或云為

後輩所報復也

王莘鋤戶部師師時文名震一時坊本流傳習舉業者奉

為圭臬丙子以戶部主事簡副主考到閩余即於是科中
式余次年到京始往謁見適師丁內艱旋即回籍病逝人

絕憶秋風應舉年五經選卷策登賢郎官聲價輶車重哲匠文章

屬氏傳喪次獲趨桃李列後時重締薦蘿緣師為繼亡室薛氏之
歸道山舅娶後始知其時師
久矣世兄肅徵大令蘊時
作宰山東不逾時歿

呂冕士太史師師丁丑會試以編修充同考官余卷即

分在房內蒙薦獲雋榜後硃墨卷猶在房官之手容其自

行磨勘此亦例外辦法也余進謁時承示硃卷堂批房批

談次甚愜洽師本粵籍粵人淡於仕進太史公得一掌文

衡便告歸不輕出余銷假到京卽不復相見矣

桃李春官辱受知風流蘊藉拜吾師青藍陳迹容相示丹素眞評
豈爲私勇退不紆歸里計感恩徒繫及門思藏山一集今誰屬矢
念搜求迄未衰

石孫以近影寄贈賦此奉酬

兵火迷齊烟兼旬勞念釋郎君賚書來知莫羅舍宅眞影隨寄將
欣然靦顏色羨君充養純晬盜疇昔祇以惠連喪夢草悚詩魄
屬在具爾親焉能不戚戚嗟我中年來哀樂紛相逼同祖十二人
旋踵歸泉窆踽踽今獨行待終巾自飾亂極遑爲家扼腕復何益
冊載辱知君志豈甘偏仄各具濟時心敢謝微官責天地忽晦盲
手足窘荆棘聒耳皆鼉聲避幕苦無策短景催夕陽等是當歸客

相將濱海居奚啻陳蔡阨瞳目看橫流無計援胥溺耿耿盟初心
能無負蒼赤憐我還憐君惺惺贖相惜

讀韓文

盤谷甯眞隱昌黎窘賈文起居惟適語卻解世人紛

舉世道誰高讓人枉作勞一篇原毀旨祇爲勗吾曹

讀韋蘇州詩有感

惟天生下民輔翼使自得百姓渾不知日用在飲食擾攘二十年
閭閻贖菜色蚩氓無恆心縱橫起盜賊避世居海濱奄然餘一息
時作寒號吟聊以慰岑寂乃讀蘇州詩忽令我心惻涵泳自從容
若有百端迫昔愧居處崇民物康未克桑海俄變更迴瀾恨無策
彫瘵今若斯遷流更何極悲憫質平生烏能不戚戚燕寢夢凝香

真如兩世隔視昔復視今掩卷淚千滴

夏日卽事

簷滴黃梅雨盤登白小魚淖糜調我稷

卽小

兼味間新蔬長日飢

能療殘年福有餘偶然攤飯臥狼籍半牀書

獨吟

月痕一抹小窗深掩卻殘燈便獨吟不是老來偏愛靜人間萬事

要無心

顧景

顧景黃昏百不堪齒危頭眩髮鬢衰殘歲月蠶眠老莽蒼河山

虎視耽遠矚空勞馳域外末途無那落江南天生我輩初何用視

息人間只自慙

今日爲此官明日便知贅此自淡泊人不以官爲貴今日爲此官
明日便知媿此亦自好士惟恐尸其位世非無其人儘許見大意
承福甘賤役亦自有其志昌黎爲之辭淋漓特盡致無非洩牢騷
浩瀚使文氣患得患失人早爲宣尼棄世運泊元和奚啻成周季
笑罵誠苦心終覺辭近費試語凡今人豈植一笑置懷夷南風古

白述遊七歌

朝迹考功溯原始受命飲冰慎自矢訪勝未及過西山獵艷從無

涉北里廿年簿領心空勞一麾江海事長已嗚呼舊都故未滿駱

駝風狂燕雀將奈何

弓劍橋山歎觀止皇路驅馳五百里東行望樹過剡門西出破寒

臨易水從公四度時弗遑記夢卅年疾如駛嗚呼五陵佳氣今如
何令人回首涕滂沱

壯歲隨槎過遼海陪京制度尙未改專城設鎮各典軍五部分曹
若列邸雞林往返歷十旬豈獄平亭重大體嗚呼風雲萬變四海
傾白山黑水難銷兵

謫宦棲遲付長歎章貢沂流歷四郡撫建民樸故易馴虔南風古
尤可訓苦心綏靖旋九年文化扶持匪一旦嗚呼滿城桃李今有
存相對於邑終何言其志昌黎爲之

姑蘇城外寒山寺丹雘方終衣冠異

辛亥重修甫竣事

六年豈免悔蹉跎

一心從未負撫字俗諺昔譬諸天堂大邦今夷爲縣治嗚呼吳郡
於我終心關因之詩本存香山

南昌故郡洪都府重來豈視爲樂土九年耽隱吏豈污三月權符
心良苦昔雖勇退指終朝今轉去思輒一撫嗚呼滕王高閣餘廢
基王韓再起知何時

七年淪落滯歇浦每理歸裝事旋阻羣賢偶亦娛詠觴三椽僅足
蔽風雨故知小住未爲佳舍此稅駕更何所嗚呼人生有涯非無
涯且論見在渾將來

雜興六首

善讀書勤耕蕪手自耕天壤於百平賦風塵

病養精神過服藥貧知儉約勝營生放翁八秩方開半雜興詩成
煞有情來此齊人坐石太古今賦辭半思言歸謝此意絲

世亂逢人皆可恕年高與世又何爭老夫豈是模稜語爲博一心

時太平

一謝難空齋四壁只蕭瑟下無韻賦林泉此意蓋

一卷沈吟一榻眠空齋四壁只蕭然了無駱馬楊枝累此事差堪
傲樂天

豪俊由來仗濟時人生可不古今知襟裾牛馬言誠激此意終應
諒退之

鈎玄易邃功難罄滿篋詩蕪手自刪天地悠悠百年短風塵擾擾
一身閒

天機靜躁非無朕人事乘除各不同一室青燈多歲月四山白骨
幾英雄

戲題壬戌冬間傳神

七年面目眞成故覽鏡今朝又一吾神志不應頽散盡虎賁留得
典型無

說易

剝復說易理人每褻充耳謂貞下起元元定何時起一亂動百年
隋唐前後史羣雄逞干戈亂今甫逾紀言俟河之清殆難及未死
何怪好亂徒隨風喜披靡不知流丸流流以甌夷止今日外患深
甌夷正在此兵禍况窮年蹂躪遍遠邇內則憂豺狼外則悚蛇豕
人人厭兵心勃發豈得已大勢之所趨亦運而已矣反正視人心
不易之定理淹速或偶差平陂總相倚君看咸同間糜爛正如此
生聚纔十年周道復如砥大亂只須臾莫之使而使吾今爲此詩
敢遽自爲是留後人研鑽或亦一故紙

懷唐薇卿年前輩

忽憶藤廳舊履綦奇才跡弛受師知
唐會榜乙丑跡弛二十年騷
字爲文靖師評語

恨歸鮎竹一世雄心殿虎旗抗守臺灣自稱伯理遙戴王靈此四字係

當日電言可敬不拘臣節意堪悲吟尊餞別歡如昨唐赴臺時同

館以詩莽蕩乾坤又一時鄉在粵東會

新潮流

潮汐日往來海氣互吞吐消長沂月光弦朔不歧誤月本無古今

潮那有新故今言新潮流此錯豈容鑄縱云錢塘潮八月若暴怒

然亦歲為常從古無改度君看弄潮兒信可及婦孺寄語逐流人

倘亦有所悟

近事有感簡巴園

亂極宜謀莫厥居那堪緣木枉求魚應聲誰集蠅於此到眼深愁

蟹不如未許大材辭剪伐何曾儒效坐迂疏夢夢徐待天心轉且

覓牀頭引睡書

外患

出則無外患有國難久享榮敦善折衝固已搔著癢外禦須內修

生息在休養氓非盡蚩蚩何為至負襁水深火熱中神志或恫怛

一旦休甲兵羣思脫羅網寬政得民心收效易反掌執簡以馭繁

不宜迷所往約法盈千章適足滋擾攘以此期太平相隔若霄壤

讀杜詩

憶我歲未冠兵燹燄早熄其時讀杜詩激賞浣花格戰禍經三朝

未遑細疏釋及今喪亂多展卷心斯戚援古以證今章尋句可摘

當日狼狽形森然若目擊相隔近千年重見長安奕詩史一家言

洵可世為則乃知世間事皆有已然迹史策所留遺稗野所演繹

小異而大同萬變端可識少見多怪人旁皇復何益

溽暑夜益少眠嚮明卽起晨光熹微羣動未作偶有所觸書

此誌感

雄雞一聲天下白草草勞人不暖席於朝於市相紛爭忙煞道旁
名利客我作閒人眞十分久不以心爲形役尋詩作草夜不眠起
居無時惟所適讀書本意蘇元元年少登科奮朝迹迴翔中外試
諸艱做精勞神敢自惜老來身世入蒼茫俯仰人間餘一息伏我
以老殆天意盤錯不堪再相逼細思國步今日艱震撼危疑甚疇
昔諸公袞袞思濟時排難解紛可無策多難興邦尙勉旃容我歛
手謝督責惟茲煢獨初何辜一念哀矜弗忍釋

夢與故人辨論往事

風骨平生重柏臺流傳諫草費疑猜斜封西邸誠元愍新法臨川
亦禍胎今日始知吾黨過他年豈免後人哀是非丹素斷斷辯又
向殘生說夢來

未眠

乍歇輪蹄漏點遲幽人正是未眠時欲趨冥想難成夢偶引清機
漸入詩萬事都從獨狗棄半生猶憶跼蒿危地爐火燼湯餘熱且
爲飢腸熨淖糜

示孫祐續外孫世識

時世遞盛衰前史有陳迹治少亂日多厄運每相逼生一不逢辰

不免滋憂戚惟讀古人書所往無不適王化基風詩天心見義易
位育具規模太和自洋溢魯壁藏一經唐虞若疇昔熟聞都俞聲

皋夔近接席聖裔衍千秋洙泗非異域如聆博約言顏曾儼在側
習然意相渾樂此其晨夕一畝宮之中昂然軀七尺不知天地間
何處有荆棘況今民德乖勢將人相食性命在亂世苟全幾無策
儒者說治生生計何從擇一飽不易求強求復何益只合咬菜根
樂道期自得河清其有時知命在不惑窮則爲顏回達則爲禹稷
瘠

卅年不學子方瘠更事平生笑未深流水高山誰解聽無絃愴絕
抱琴心

龔

不曾社酒與治龔怪底頹齡耳尙聰兩部奈他蛙鼓吹池塘處處
欲雷同

一 夢醒口占

夢中歷盡幾羊腸憂患如山視故常太息身宮磨竭甚邯鄲况味
未曾嘗

晨起看雲有感

不知何自來尙有我在 此憶當韶齷初一味渾沌耳幼學及旣冠
墜落咕嗶裏陡然廁京朝未強而入仕四五十時孜孜治官理
精力雖漸衰冥行仍未已隨例當懸車乃歸課文史荏苒數十年
莫之使而使昂藏餘一身壯心息千里如隔兩世人萬事視棄屣
漸欲渾悲愉那復問生死笑看浮雲忙兀然正撫几

蒼生

萬方猶擾擾終日只昏昏派各尊王學爭幾遍謝墩須臾成敗局

出入主奴門若問蒼生事無人與細論

危言

理無可說勢難施鹵莽成功那可期怪事傳來逾咄咄須知天醉

有醒時消息紛歧不釋疑萬端感觸只堪悲三千界內人人錯零句龜堂

正耐思

悔言

為梗於今付一吁厲階誰識咎羣儒乾坤震撼河山破妖孽樊伽

豈足誅防患無能策徒薪原田壹意亟圖新捫心清夜知難昧我亦先朝

一罪人



余丁丑會試時官輪由南海赴京戊寅回京銷假搭船政兵

船直抵天津癸卯奉慈輓回里為避航海之險改由建溪

行意以為與上海無緣也誰知丙午移守蘇州與上海時

有往來及辛亥眷屬移寓到此羈滯竟十八年

南海延津好放船吳淞剪水訝無緣誰知一變滄桑後流寓於今

十八年

讀宋史

宋代有理宗在位近四紀善政無所聞近習相角猗蔡州志伐金

雖亦明國恥奈聽范蔡言背盟事旋弛惟其重理學終始蹈正軌

大儒隆追封鄭重修廡祀閣像圖功臣崇德導休美善善從其長

差強人意耳所以山陵終尊諡定日理如何白雁來妖僧亂道揆

會稽紹興間諸陵徧掘毀飲器獨截頭很與鞭尸比何果復何因
衅端從何起我但問蒼天夢夢何乃爾

代結禱詞示圓兒

汝生甫一月汝母卽不諱我時忙應官鞠育未厝意諸姊互扶持
教誨兼飲食縫紉服其勞汝尙無懈怠志烹飪調其和汝亦副所事
黽勉逮長成致此良不易自到豫章來始課汝文字誦詩與讀書
汝卻能默識結禱今有期教汝豈有二無非而無儀惟酒食是議
必敬而必戒無違乃正義經傳母教詳此業終當肄女子職相夫
家政求其治裔固當安貧豐亦當圖儉勤儉能成家汝勿自暴棄
值汝方有行鄭重爲辟咎

嫁圓女檢夏葛瓷器作嫁具竟不可得書此示之

頻年嫁六女豐嗇常因時旋嫁兩女孫亦復仍成規不偶索重聘
不過厚奩資課孫曾作草一一具言之今日吾嫁汝吾意汝當知
被服備寒煖裁足理亦宜新妝鬪時世吾素所鄙夷絕不徇汝意
濫與貽人訾我家無長物汝固無所疑惟尙有兩事汝要深長思
豫章產絺綌探篋了無遺官所邇景鎮日用無完資贛遊十八載
酒脫竟如斯枝梧飾嫁具無以便吾私汝今往汝家不必多鬱伊
但道吾家風亦足揚汝眉

入秋夜睡稍早中夜口渴而醒

四壁蕭然夜漏遲半規涼月射書帷唇乾偶啜微温茗夢斷還尋
未就詩閒把興亡窮萬變轉因衰億澹千悲邇來過夏差無恙一

藥安心可自醫

初秋寫懷

睥睨人間世，惟應一笑酬。經綸歸稗販，名器失王侯。錯忍容人鑄，官因養拙休。虞淵催短景，轉瞬又中秋。

虛齋無長物，韋布遂吾初。語笑逢人嬾，交遊與世疏。壁間條華畫，案上老莊書。終日焚香靜，尋詩慰起居。

說經

誤身不解悔，爲儒面目真。成山澤臞，忌飽食，因防疾，鮮說經學以背時。孤咬根，此志終何悶。抱道殘生忍，或淪與世周。旋奈無俚閉門，自守古人愚。

秋興

半飽半飢終日適，無山無水一身閒。神遊何慮何思際，意在非夷。

非惠間

目光觀物嗟何近，心計迎人惜太麤。儒效世終難，毀滅書香老要

強支吾

強支吾，此亦非回怨園普天同美甲數月且 蒲可招飲旋以雁來紅、漢宮秋兩種見贈，並道蘇園舊事。

兩般秀色盡精神，勝似郇廚飫八珍。儘覺蕭騷生野趣，何須絢爛待霜晨。擷芳老尚饒餘福，割愛情終感主人。莫道辟疆園裏事，玉泉草木已蒙塵。

白露日於日下觀書觸暑頭眩

起居每自適閒身，涼爽欣逢白露晨。爲愛晴窗使目力，忽教殘溽眩心神。卅年慣作乘軒客，今日真成憚暑人。卻喜陶庵醫訣在，縱然有疾未曾呻。

一牀一櫝一巢書度盡陰晴自起居頗似孟嘗門下客對人每謝
出無車

新秋

晝永常思睡身閒且自藏夢中多死友世上幾生王天自催年老
人皆以醉忙輾然成獨笑一葉落秋牀

讀清史稿感言

詔語周詳迹未塵拂民好惡豈皇仁辭榮一代完朝局傳信千秋
賴史臣改步絕非同勝國普天何俟弔遺民但拋政柄無他語兩
字虞賓殆夫真

戰罷

戰罷猶多事斯民不小休誰知冠蓋客半為稻梁謀行法無三尺

端居動百憂猝然發深省身世一浮漚

老去溫經莫笑迂開編日日過唐虞都俞呼咈聲如接喜起明良

賞獨孤禪舜逢堯嘲甯戚致君讀律感髯蘇可憐舉子歸澌滅問

事叩簾今亦無

不美對食思京中戶部街五香燒羊肉及沙鍋居白肉之美慨然

食單對客話茶初絕憶長安廿載居撲鼻蒸羊過市上連盤切肉

飽神餘人家祭神亦請食白肉連盤送進以客飽為吉利故知口福今難饜終恨南烹日

不如一事更堪敗人意賃春無地種佳蔬

不敗七月三日靈雨意實春無世蘇卦註

暴雨兼疾風料無終日勢如何歷三晨天威不肯霽江海數歸舟
大半摧檣柁車行衢路間潦水渺無際氣象成陰森宙合幾欲閉
定知棉稻傷秋收無中歲年來人事乖牽土滋窳弊下民固易虐
不義得無斃天怒乃上干示變甚孛彗眾醉不復醒思之贖橫涕
不測

造化豈弄人故示人不測不測之謂神易理耐剖析一飲一啄微
變幻在瞬息一動一靜間無從莫與適以身應萬事遇事輒差忒
豈無斷制功執一難為式老來更事多恍然若有得卦變參陰陽
講易端可識往來成古今日月有盈昃二氣之所為主宰故有則
活潑迎天機庶不受煎逼人生說乘化不離要即

昏暈枕邊

一毫不著少年心老至逾知閱世深引睡枕邊詩卷在料無媿色

對孤衾

次石孫遊滙泉山中公園韻

江湖滿地百憂叢到此儒冠信阨窮偃蹇無山無水裏枝梧半飽
半飢中艱難來日慵懸想生死人才誤急功清福不妨吾獨齋但
期有策靖咨鴻博一林糴百悲癡空寒瀾熾雲煥卦狀用

自慰

自慰

瘡痍徧野逃深責憂患彌天近髦年自是彼蒼多相我亂離性命

苟能全

華年

快意華年別故林肯傷毛羽玷朝簪沈舟幾度難酬志運甓長年
枉惜陰銜勒拘攣餘脫命風波澎湃尙驚心而今熟計頗生術只
有埋頭鍛句吟秋夜無中歲年來人事乖率士滋感嘆下民固易

看月今宵薄酒斟一杯醉罷百悲深長空寥廓纖雲斂特地光明
萬戶臨自向廣寒呈嫵媚誰知塵壒半陰沈娉娥畢竟無情甚不
諒人間獨夜心定知中秋月

巴園來詩中有觸感語因疊韻戲答之

鰥居久斷婦言曠不礙身爲衰憊人瘦骨所餘頭半黑殘幘以外
物皆新孩提學語堪撩笑僕媪防微轉損神瑣敘家常談老態與
君最得性情真

不爲論食品答巴園

每食還思味菜根遂初贏得道心存年來不作官齋夢猶爲鋤蔬
戀後園昔夢

舊夢

整飭鵷行禮肅然五更三點共朝天可憐丹陛趨踰日我是長安
舊少年

贅婿讌客卽席口占

兩妻曾生十五女七女長成餘殤死六女次第各贅婿先後相距
越三紀尙有一女早及笄頻年擇婿難無比今者婿復來就贅尙
平婚嫁事畢矣七度嫁女例從同天假之緣意自美況今七十已
過四嫁具竟獲自料理迴憶寢地弄瓦時始願何曾遽及此此事

殆亦古來稀口占一詩自誌喜

和移疏北上留別韻

敢憑笑罵作文章老去心情已斂狂
縱負幽居娛杞菊猶容陋巷
饜糟糠上樓目已窮千里醫國垣
誰見一方欲別對君情無語不
堪回首說同光

和庸叟重陽臨江樓卽席韻

高座巍然任遠凭華陽風度尙端凝
首座王雪丞年八十近前江
恰如環抱造極樓休更上層
樓在第五層即屋頂平臺粉糗應時元未俗
盛筵踵事不妨增
秋筵不可無辦今設七清談儘許參玄妙
正恐人間莫我嘗
星蟹一味較去年爲豐

不爲無車厭出門枝梧佳節與清樽
明知盛會多衰世且倚殘年

副達尊名士龍山甯足數
劫灰滕閣不堪論
閣匾有子安一序四字去年想亦爲兵火
矣更悲摩詰思親句累歲鴿原哭弟昆

秋夜獨坐

我衣今已遂其初寂寞纔知世網疏
久息交游心曠逸不攬盤錯
意舒徐世紛且付千年史
儒效終歸一卷書
徑欲騁懷入幽渺短
檠相對夜窗虛

子瑜同年以鼇峰書院舊卷紙作函云舊藏篋中取出以記

丙子前事余與子瑜丙子同鄉榜是丙子以前余二人固

鼇峰書院生也

五十年來物突然在眼前鼇峰書院卷取作郵筒
箋故人說舊夢
謂在鄉薦先與君同丙子言之意惘然憶當應課日年少各翩翩

院中課生童詩文各一篇八股七百字詩以八韻聯七百有餘字一卷方完全卷頁各六行二十五格連膳真卽投卷超特等相權高標得特獎時可充酒錢官師月三課課簡心易專寒儒有活計消受非一年學校旋改制舊學坐棄捐龍峰邁兵火講舍摧烽烟前歲尋廢址萬感心爲煎今復得此紙故意逾拳拳千金且亭帚資以娛華顛按每課生員超等爲內課膏伙二千三百特等爲外上取爲內課膏伙一千三百次取爲外課膏伙亦遞減又次取爲附課亦無膏伙每月官課一課官給特獎豐齊不同名額亦不定師課二課前三名亦有特獎但出自公款爲數甚微耳

獨眠

婦孺俱歛睡房空怕獨眠寒蟬吟檻外饑鼠鬪牀前黯黯無燈夜漫漫不日天此時動冥想萬事入雲烟

非難早起

睡醒披衣起浮生又一朝萬緣隨日出兩穉泥人嬌粥鼓門前過車輪戶外囂下階刪菊蕊不覺折吾腰

何人自課

一燈風雨夕澹定養吾真道與魔爭勝眠疑夢擾神未能馴外誘正恐負終身省克嗟何晚相規莫賴人

余嘗謂世人恆言權利而不知權害因詳其義而發明之

世人說權利毫無所顧忌不知權所歸害卽相因至世風日凌夷貪人多敗類暮夜營苞苴人卽以利餌姻婭相繫援撫仕勞位置彼此利交征聲名已掃地縱使乘威權不復恤清議焉有贖貨徒悖出不爲崇福謙而害盈鬼神理非秘徇權以爲利豈不爲權累

抑有自好者見利卻思義取舍至公內舉親必避其奈凡人
賢者偏責備吹毛疵可求動輒肆譏刺三代下君相誰能滿人意
攘權固蚩蚩擁權亦不易富貴常畏人所危在高位馬遷言死權
夸者倘心悸

林季湖書來以王彥方自穢爲言率臆答之

七載光陰契闊深依稀陳迹懶重尋不搜盤錯天君泰自守窮堅
夜氣森消遣百年垂盡感刪除一切近名心與君今日傾肝鬲難
向人間索賞音
亂離猶獲安閒身長日耽吟臥海濱濁世知君終不溷天公遇我
定何因萬般艱鉅容逃責頻歲飄零祇愴神未免相憐誰解慰信
非無病故爲呻

兀坐

兀坐靜溫經曾孫正過庭頗知承色笑未免盼甯馨活火煎茶鼎
寒花覆膽瓶中饒樂趣亦足制頽齡無魚喜人

說苦

屏處航長閒閒中亦良苦無車嬾出門出亦愴瞻顧有時赴賓筵
相知半無素默默無可言言之易觸忤客來敘寒暄間多涉世故
戚戚徒歎嗟又豈是良晤知交非無人隔在萬里路難得生前書
每見死後訃索居度寂寥晝永不易暮長夜復漫漫旋寐亦旋寤
苦故未爲痛已似葉難茹我惟忍耐之憬然時有悟苦來以苦攻
作詩無窘步飯顆亦苦境中卻有樂趣當夫興發時天成得佳句
句就且長吟大可傲老嫗况逢敘羣賢幽情共傾吐壓倒元白歸

喜如馳露布卽或入定時如僧苦剃度心激萬緣空何處著畏怖
因苦時得甘蔗境殊可慕樂國歸陳芳此亦一晚遇

秋夜靜坐默數平生諍友惟可莊中表最爲難得追憶舊歡

爲之慨然

俯仰平生契淒然念表兄笙歌年少樂藥石古人情卽事常儻忽
相思逮老成卅年無諍友回首涕縱橫

春榆以前寄五律次韻作七律兩首見和仍疊前韻答之

海上飄零逾六載退休豈卽遂吾初已醒粉墨千場夢猶戀親朋

一字書憤世眞如喉有鯁忌葷笑恨食無魚喜人魍魅非空嚇代

步還宜下澤車

坐汽車者多遇劫質之害

飄泊支離成此局羣賢得勿悔當初

此初字指十年前言

祇餘我輩惺惺

惜枉向空中咄咄書迷夢幾人眞得鹿傷心萬姓已爲魚可憐劍

浙矛炊險猶復閉門誇造車

面目全非一紙無心

中興放言

說法初無不二門世觀誰許曠乾坤贊言等爲驢書券要路無非

蝨處禪意遠勳華猶未聖論寬操懿亦堪原平生不解杯中趣頗

欲醕糟醉一尊

新設爐火口占

調攝餘生頗自珍一年容易又霜晨身閒偏與青山負老至終疑

白髮新苦欲著書旋覺贅窘於周急始愁貧一爐新火供煨芋且

共孫曾笑語親

知吾同冠天賦詭誕不異前本林戲說交點

夜課

知吾同冠天賦詭誕不異前本林戲說交點

此心豈復恨衰遲屏處惟求寢食宜罵世放狂原近贅傷時濺淚
亦嫌癡人情冷暖吾何預天運循環死不疑詩本枕邊供夜課飢
來且進一甌糜

安心

鐘鼎榮華只偶遭人生何事不空勞老來學得安心訣非與人爭
立品高

癡想

載塗餓李漫生悲世運屯亨一轉移米價不高鰕菜賤苦思重見
中興時

騰騰任運歷朝昏儘有廬山面目存一種癡心降不得猶期把卷

課曾孫



治圃平生學不疏天慳吾福老耕鋤殘年得遂菟裘計十畝良園
好種蔬

老來漸覺起居艱一笑彭鏗亦等閒妄臆半生屏聲色享年殆可

越香山

卽事感昔

傾盆驟雨撼秋聲輾轉孤衾睡不成猛憶中和門外路夜深挾僕
逆風行

樓頭燈滅下梯艱行到空房力已孱猶勝乾清門外夜暗中摸索

整朝班

無事

如禹之行水行其所無事細繹子輿言豁然見大意洛學戒安排

易理在簡易習焉不之察一生笑如醉
書意

帖臨十紙尋常慣書作千言頃刻成領取戶樞流水意習勤聊以
養殘生
充腸儘許烹蔬飽惜福何妨數米炊下箸萬錢太多事古人飲水
且忘飢
臥時高枕酬浮世靜裏平情恕小兒認定安心是良藥人間萬事
不須思

堅持剝復循環理來慰流離瑣尾人莫道此生長已矣吾儕自有
不貲身

讚佛

唾棄人間事誰能喻此懷詩哀皆楚些史駁只齊諸處士原充隱
忠臣半硬差語言文字外佛界有津涯

香洛社規題後

載賭棋山莊集

耆舊壺觴夢故林分條約法叶鄉音賭棋曾與山莊席遺集摩挲

感舊深

集為表兄謝枚如同年所著

社襲香山九老名十三人媿洛中英達夫述祖存風雅

高卓為之高祖霽亭

先生亦在社一紙傳觀煞有情

簡釋雲

君有一年壽我有一年詩喜慶隨壽至卽爲我詩資松菊滿三徑
聞又茁孫枝抱孫殊可樂且聽我放辭君子不抱子孫可爲祖尸
所以古之人鄭重謀燕詒俗人不解事斤斤說含飴君子有大道

豈亦徇嘻嘻古者易子教易孫無其詞有孫必自課此義毫無疑
君既早生孫長矣教未施芸人而舍己能無背道馳今者意有觸
敢以頌忘規請君謝館穀勿爲酒債糜次第親授硯娛老取自怡
山谷有詩孫後人稱道之此亦一佳話君意豈鄙夷我昔忙應官
此事棄如遺課孫雖作草收效微乎微蹉跎老欲補心力幾全疲
君尙鑒及此無使後悔遲語來近突兀意似非恭維肺腑聊傾吐
不知狂與癡君措醉眼看得無笑離奇但博無雷同當亦爲解頤
次韻庸叟客中自述
燃桂黃金寸寸珍聊謀餽粥度昏晨忌葷但覺蔬香永惡醉無愁
酒債新自策玄功常寶儉敢矜廉操不言貧治生本是儒門語炊
事何妨數米親治生

千金享帚自爲珍忘卻寒雞已失晨文半據聞聊紀實詩因屏俗
轉生新揆詞不覺千言贅鍛句多愁一字貧拚付他人供覆瓿校
讐待與手民親刊集

舊帖家藏自數珍精神抖擻及清晨名家崔杜難追古近體蘇黃

亦取新友人云臨帖須一月一換手展吳箋堪止慮意欲影本不

憂貧秘帖近多影年豈復希書聖消日時還弄翰親臨帖

偶然吳越亦羅珍社內不拘觴詠非徒祓禊晨感舊鉢吟風漸弛

易名鐘聚語尤新閩社舊作絕句名曰擊鉢吟近多作七每逢七

日占來復七日一聚媿乏餘糧可饋貧前輩均重典實格律極嚴

多壇坫風流慰飄泊筆牀茶竈耐躬親塵詩

壯心

歲華慘綠宴瓊林破浪乘風有壯心五十二年身未死滄江一夢
冷孤衾

初冬書意

愧疏原道學懶讀送窮文生理疑昏霧人情等亂雲心平愁易掃
意冷夢偏紛開甕無佳釀難教一醉醺
喁喁緣底事望治眾心同國計成枯樹人才類捲蓬未遑言悼屈
但覺極哀窮勢逼能無返天心忌怙終

雜感

不是嗟卑歎老時更持何語付諸詩只餘一片哀窮意聊向人間
灑涕洟

世路險如臨巨浸人情薄更甚春冰齋居覓得安禪法蕭索無妨

學野僧

五言歌浦五詠

當時孔孟讀何書惠子多方說五車刪訂所存惟數卷殘年餉我
不求餘

從今一事不關心要視孱軀重萬金倦卽安眠飢便食更將餘日
付長吟

舊好幾將隨日盡新知能得幾人親素心晨夕可相與便慰窮居
現在身

漂泊風塵搵百悲誰知晚福亦殊奇兩孫有婦勤書札爲我朝朝
寫小詩

課孫但得書無廢成就如何我不愁孫又有兒方學語他年任彼

自爲謀

課孫雜詠

托鉢不須賤寒乞但思謀食卽播間試看端坐讀書日占盡人間
幾許閒

家貧事簡因知儉食少神清好養生此是家常平易語重言不憚
爲申明

肥膿燔炙入盤孟錦綺量裁作袴襦祇恐速貧還折福常談莫歎
老生涯

一文莫作錙銖看萬貫都從積累來豈謂守財奴可學眼中窮乏
正堪哀

避地豈容談國是少年鷺外計尤差庭除洒掃無非事君子由來

不出家

對梅有感

花寒不睡證雙清勾起詩魂舊有情大庾嶺頭逢雪暮司徒廟外

討春晴

司徒廟近鄧尉頗思眷屬諸君復齋居近二十年不礙心腸肖廣平卻恨

綺窗消息近

故鄉梅花之香勝於江南世人無有道及者海濱寂寞弔孤檠去

遼天吟

壯歲使雞林路出瀋陽省艤席淹海城騎壘蒙鐵嶺前朝血戰區

山驛越松杏千里路迢迢民物徧觀省牲畜千萬羣黍稷萬億頃

天地洩菁華解阜力尤猛屢吠戶不驚列戍軍容整足跡之所經
關河猶在影俯仰四十年國瘁鈞誰秉物腐蟲自生狡者乃思逞
客來談近災事事殺風景火烈已燎原汲深難爲綆王氣今甯論

所守在四境莫令有心人長歌續哀郢

禁烟歎

古者澤梁不設禁百官惟以賢才任王政執簡能御繁禁令愈繁
弊愈甚邦禁之掌屬秋官禁網甯許三面寬豈知官吏每飭法吏
能緣法巧作奸法在必誅以賄免胥災不赦用重典竊鉤者誅竊
國侯難得法曹有信讞我服呂氏論治言不開奸吏緣法門所以
在外廿四載壹意寬禁蘇元光宣之際舉新政爲民去毒下嚴
令我膺首劄責敢辭昌暑厲行竟邁病政變此令未更張我旋受
事尹豫章剷除毒卉徧全屬外使爲我拜手颺頻年董勸無暇日
儘許爲民療痼疾乃今禁法別翻新前功盡廢又誰恤我思往事
百感并激濁勢已難揚清不如登臺說莊子折衡剖斗民不爭

嚴霜連日有雪意未成寒甚

陣陣朔風堅同雲若欲連如明如晦日不雪不晴天小鼎頻添火
重簾厚著綿耐寒憐老至莫倚有青氈

冬日書懷

襄野眞成七聖迷雄心誰復起荒雞條侯縱亦懲兒戲曼倩無端
好滑稽神有亞鮪休詛楚世無仲父孰匡齊多情只有團欒月解
向人間照笑啼
城頭猶未罷悲笳衰鬢飄蕭落日斜正爲識途憎老馬誰知聒耳
辨私蛙生機蹙盡窗前草病眼慵看霧裏花天地榛蕪人事舛少
陵空自怨無家

不呈縱筆

空船帶燈良林決雷舟後酒更同人每醉亭

不是柴桑境空餘寄傲身
棹舟甯有伴送酒更何人
松菊辜歸夢琴書瀆市塵
饒他陶靖節獨占葛天民

一室湛虛清蕭然對短檠
陣鴻閃雲影離蟀換秋聲
物我無非幻禪魔若欲平
霜鐘入遙夜聊此度餘生

聞川滇又有戰事

涿鹿端開迄末終古今戰史若雷同
許多怪怪奇奇事盡在芴莽
泯泯中已厭玄黃迷野望難將皂白問
天公萬般謠詠何從息只合歸諸馬耳風

履霜

夢夢天意苦難知孤枕悵寒有所思
樓臺無端噓海瘴林禽何計避風枝
眾皆念飽終當恕我但尤人亦似癡
鑄錯不從今日始堅

冰憶到履霜時

守建前後六年屬邑只報盜一次
米價賤時僅一千二百思

政平道路鈴聲少歲稔閭閻米價廉
卅載郡齋溫舊夢夜深有淚漬衣檐

愛書眼欲盲作草腕幾脫甚思膏精神
無計紓幽鬱寒蟻依腐根病馬仰枯秣
臥起隨昏晨聊此度生活

至理能從日用知萬般何必費心思
朝餐飽後低眉坐此卽天公
供我時

挽鮑庵

罡風一夕撼天半黯淡星辰沒河漢故人顏色在屋梁夢醒臨風
極咤惋惜昔相從童子軍登瀛橋畔識公面少年蘊藉正風流各
持寸鐵事文戰春秋兩試互短長我溷潛郎爲公先六年館選旋
推遷公隸春卿亦置散爾時曹事俱清閒榕蔭堂中恣文讌銅鉢
聲聲興遄飛枚速馬工競自薦更孰小集過鐵門雨雪漫天不問
斷一十三年團聚歡坐貶西江袂乃判公躋卿寺方蒸蒸我滯江
湖空長歎無何奉諱同去官里閨過從重相見荏苒光陰又十年
石破天驚發鉅難劫後人事強周旋意境茫然渺津岸否極蒼龜
不告祥辛丑聯吟名句警句動人愴把玩以詩世界額自顏屬我取竹咄
嗟辦惺惺相惜歷歲年淚墨往還祇念亂春初書來道家常一歲

苦爲病魔絆應病不病慨乎言

公書中有應病不病不應病而病語

語縱牢騷身還

健邇來詩興仍勃然氣機洋溢若冰泮晚集刊成思寄將覓我吉

光羽一片我持傲帚重商量正辱答書致惓惓書中並附近作詩

甫爲薑齋題家傳斗然白雁過江來風雲爲之色一變念公學有

主靜功涵養沖純識淹練平生低首拜宣城道德文章吾無間矧

辱四世成神交頻歲宣南親筆硯敘情觴詠永無時老淚寢門那

勝濺故知生順沒則甯公行絕不回頭看泉壤相逢況有期此別

何須多牽戀三壽作朋忽喪朋

余與公及芝南三人同歲人謂之三壽作朋

悲從中來

難自斷同甲創例持心喪爲公社期損賓宴

今月十七日怡值星期日社期

匏庵逝矣電訃到作詩輓之越五日又得其臨終前一夕手

書爲之悲愴欲絕

公之屬纊前一夕答書尙復論我詩謂詳民風與國故允爲後世
考鑒資殿廷壇廟數鉅典諳習不亞於職司此事公豈肯多讓不
過故爲搗抑辭獨於歎舊懷賢語評騭卻非同撥皮謂持嚴格不
稍濫非如世士阿其私各肖其人之面目毫髮之憾無或遺當時
下筆心正苦公乃一一忖度之平生論世抱孤憤填胸塊壘無人
知今公數語爲道破快極不覺澹百悲更欲與公道覩縷九幽誓
歎無由追神交以此識終古山枯海竭無盡時蘇文章香 蘇詩
匏庵前有函云宣南人言舊時朝士得壽者以閩人爲多今
一絮齋與匏庵一年之內相繼逝去爲之惘然
耆老居然盛八閩舊京人士說津津誰知逆旅相從者半是嚴裝
待發身今日先歸非一客他時後死定何人彭殤不擾蘧蘧夢此

意南華認最真

雪花

風雪正漫天幽齋坐兀然邯鄲炊後夢龍漢劫餘年薄酒深湯熨
寒爐活火煎遊心在何處相對有韋編

湯婆

平時夜榻擁湯婆取暖牀敷只剎那底事終宵難捨卻筋骸漸覺
怯寒多

寒夜小酌

怯冷聊斟酒半卮顏酡竟似少年時平生戶小難謀醉料理閒愁
賴有詩

昔昔侵簷雪片紛重持薄酒博微醺支寒戀到杯中物老比常年

甚幾分

七十四初度

頻年局促滯江濱眼見梅花七度新心遠有時還失我齒衰何事不由人只餘微息酬當世且向殘編殉此身風雨客來試談往少年肝膽正輪囷

今年老境若回甘未許逢人說不堪漸減醫資身較健益堅社約與彌酣意欣如願完婚嫁耳聽銷兵暨朔南求闕平生翻自悔作朋歲晚失苑庵

平生佩湘鄉求闕之言過快意事每多懼余與春榆芝南三壽作朋今弱一个矣

雪夜睡甚適黎明即醒復睡到午正而起

曉角吹殘天乍明孩提嬉笑雜啼聲雪消已覺晴曦晃夢醒猶餘夜氣清鼾枕卻憎僮未起開門還厭事旋生蒙頭且戀重衾暖不

管晨鐘作意鳴

舊年新春看曾孫入學

曾孫將五齡入學求識字看似非蠢材不免妄希冀成就知何時嗟余老已至倘其續書香可能無此志

蛛網歎

晨起兒童相驚呼謂有一網懸門隅視之中有小蜘蛛銳身捕豸奔而趨網如魚罾細不羸綢繆知費幾工夫存之無以轉戶樞毀之亦似殃無辜議論紛紛方齟齬忽有一童博歡娛揮竿猛撲無躊躇千絲萬縷散須臾蛛不能隱身為伴徒勞無功難支吾嗟哉蛛兮汝悔昨非無古來大智常若愚枉用機巧胡爲乎恢恢天網焉可誣奚怪今日哭窮途

臨江府志今日吳寧錄

卷之二
平齋詩存卷二
蘇香香曾為人學
至其賦香石銷無此志
平齋詩存卷二

平齋詩存卷二

古閩何剛德肖雅

鐘聚瑣言

飄零久負入山深結社隨緣效越吟聊以寫懷良不惡偶然賭勝本無心獨持苛律疑違眾不入歧趨取自箴小技故知非正始眼前此亦永嘉音

詩鐘述舊

前輩風流溯荔香意原盡美法尤良要知此物非芻狗不厭逢人說短長

卻被人呼仁在堂周規折矩語能詳衣冠太古甯諧俗結習平生笑不忘

吾聞前輩有詩鐘之作拈兩字爲題作七言一聯以一炷香爲限另製一合以投詩合有口上置一鐘設機括以線連之焚香於線端香盡線斷鐘鳴一聲合之口閉則詩便不得再投此詩鐘所由名也詩之作法以題爲眼字與眼字上下之字必須有典然均是典也必以屬對句整爲尙如以動字對靜字以動靜字對形容字謂之內外科或一句有典一句無典謂之獨眼龍或以黃中對白下謂之廣東對而經不對史經與子史不能對詩句且新不對舊雄不對雌名不對姓禁律極細無非注重眼字勻整而已若不勻整其餘五字雖珠玉亦批糠也所以然者意在溫典並圖博也然用典亦必以烹鍊爲工若用典不知剪裁易涉呆相甚至有文無義如鷄殺茅容牛騎老子之類亦屬笑話前輩格律明白固易曉也

本無數年來夜喜晚睡燈火達旦於養生治生之道兩有所礙乃

頓改遲眠癖宵來且省燈想將趨靜勿夢不入曹騰每強軒聲積徐參夜氣澱枝梧聊永夕又恐負晨興

二十六日病中口占

近歲豈無病病卻無支離昨日病忽作猛如蘇州時右手難搦管口斜語蹇遲蘇醫恰在此仍復使之治服藥正兩劑大勢微轉移壯盛異昔日康復甯可知既是將歸客何慮又何思未能遽舉筆口占聊成詩

庸叟以病由遲睡所致詩來戒勿作詩爰體驗病源奉答問疾勞就榻詩來說戒詩作詩底須戒坐在夜睡遲平生喜遲睡精神久忘疲尋常廬夜課每到晨光曦俾晝以作夜養生本非宜入春自檢攝睡以子初期慎疾轉邁疾事怪若背馳日來細體驗病源非難知床敷大喜煖煎迫乃至斯前歲頭眩病互證毫無疑素體畏寒室內冬必設爐數十年如一日後復於牀敷上置一湯婆然臨睡即撤否則身燥口乾前歲頭眩之疾亦因是而起今年天氣奇寒且因精力已衰不特常取以煨足且兼具以煨當時稍手約及一句身燥口乾復如前病作時始悟而盡撤之

大意未遑以藥治醞釀成鉅疾悔已不可追所幸素膏養調理得稔醫諸邪漸退聽末疾微見夷醫言病根淺不致遽成痠但經此挫折元氣已大虧未朽今漸朽豈止歎吾衰康復雖有日視息將何爲作詩不作詩尙費三復思

慎疾

本是人間山澤臞病來精血訝成枯假年劬學甯容懈默坐觀心且自娛道有流亡仍悻悻事無大小未糊塗客言慎疾殊珍重聖訓相砭焉可誣

病中和玖女韻

精力於今漸不如延年小疾且留餘養生贏得安心法萬種閒愁自掃除

病後漸能作書惟使指仍未自如耳

臂故能伸指不仁未能運筆暢精神頗聞大道無生妙偏長殘年半朽身一笑支離成病叟如今端的是閒人閉門獨有冥心處任負人間草木春

示杲璿

病中相見亦忻然一別於今十五年汝自遠來知有意好傳吾視在生前

叟叟病中以和前寄初度詩並鈔誅匏庵文見示百端交集

抒臆奉答

莽蒼乾坤百感煎義熙今日是何年揚塵東海甯無朕返日虞淵自有天垂死寸心誰默諒孱生同病敢求憐瀾漫人事何堪說只

把孤懷付月泉

病後聞戰事又熾有感

一病脫駭機三女正侍側笑語歡燈前於意亦良得微命委之醫
私憂還在國默揣剝復理亂源殆將塞誰知解紛人仍復病僵踣
平生億中才今則屢差忒祇坐民德衰終仰人鼻息謬運百機謀
其究適自賊人心未盡死天意豈難測吾且訪吾醫談虎休變色

答謝蕭醫沛然

曩歲守蘇州手足忽痿痺時醫萃中西各自雄予智渥臂藥如油
摩足電行氣鹵莽究何功不值一唾棄君獨審病源能見其大意
但取束濕方行其所無事調治只經旬絕不阿眾議著手俄成春
莫之致而致自是二十年相與情無貳迴翔江東西緣深交逾摯

今春風火乖煎逼右指臂舌蹇語忽艱勢猛殊可悸所幸蟬腹清
能耐疾豎崇君惟稔生平不待多詞費施治未一旬齧齧不復熾
眠食漸如常收效可取次但念髦及年防微恐靡易昌陽能引年
亦惟君所賜莊生一死生竟死復何忌君有回天功且任君補劓

病後自課

頑健非如昨興居漸自由閒調臨帖腕靜養愛書眸舊牘重編檢
零許略去留聊存真面目意只負千秋

壽蘇戡七十

壽蘇戡七十

病後復相見君忽許我詩我詩本無法意到筆輒隨卅年話舊夢
聊以紓酒悲晚途享傲帚豈蕪當世知竭來益無俚觸緒餘涕洟
戰場雲五色過眼方迷離聞鵲動萬感兩地勞夢思臨榻辱慰問

相對幾無辭胸中鬱壘塊從何傾吐之世人病短視天意誰能窺
君自蘊宏抱千里不可羈相形默內愧甚矣吾其衰

病後自解

心以爲無病能使疾豎奔陶菴頗見道吾故佩其言今春邁厲疾
時有醫在門精心檢本草何乃不憚煩忌醫而諱疾了了甯容昏
惟志能帥氣未餒平生魂良藥博瞑眩何如治其根神農不可侮
要有此意存

病後聞戰

一病兼旬不出門空教風日負春暄藥爐漸覺聞香慣戰鼓猶驚
聒耳喧不厭沈綿多歲月且看震盪幾乾坤夢夢豈許天真醉莫
學靈均苦叫閻

聞日本濟南撤兵有感

四十年來悔噬臍病在人情喜附和回憶甲午犖岬端解事幾無
臣一个大勢蹉跌直到今遂使彼族漸稱霸憤極不復知求詳忽
易嬉笑爲怒罵誰知終墮其術中若就熟路輕車駕襄野還教七
聖迷莫測兵謀徒厭詐

病後作字雖稍進而字體竟變恐難復初矣

曩觀蒿叟書著紙如鴉塗意其年及髦老眼宜模糊今者病新愈
字億與之俱筆非難運轉手若有所拘乃知腕力敗不在眼力枯
橘叟有書來細楷潤如珠若問其年事亦已八十逾稟受有厚薄
健美餘一吁藥力殆難勝勿求諸扁俞

病後友朋多勸不作詩者作此佈臆

晦翁半日常讀書靜坐平分亦半日病來廢書越三旬眼昏欲盲
苦自恤兼以臂疾雖漸瘳惜力猶難輕運筆閉置一室百無爲意
每茫然若有失頗思主靜師前賢正可洗心退藏密無如終日如
枯禪活潑襟靈亦恐窒浮生隨處可得間車復久懸門安出不如
入定學苦吟心有所會神轉逸友朋勸我少作詩意恐嘔心益生
疾不知興到疾易忘舍此養疴別無術

病起出門謝客過海藏樓失足坐地仍揖別如常而歸庸叟

昨日出門賀婚亦登堂一蹶歸適得其來詩一笑奉和

一蹶縱驚眾升車禮帥初開緘翻失笑覆轍恰相如顛撲甯難破
防閑莫或疎衰來多怪事咄咄不勝書

附原作



衰白逢蹉跌驚懷墮地初眾賓開口笑一老鞠躬如正好垂堂

戒都緣舉足疏起居問安否翻損友朋書十三日賀錢銘伯小
郎完娶登堂一蹶喜

未受損作
此志幸

前詩意有未盡復成一篇

身健如伊川心樂如啟期平日厭攜杖動履無不宜賀婚偶一蹶
晉接無越規元氣自運轉何待多贅詞誰知人世事錯出殊足奇
蹶者心不動時亦常有之憶年六十八西江送客時平地忽跌足
起不賴扶持前年聶園宴觀劇歡舉危座陷仆旋起終席不覺疲
昨過海藏樓蹉跌復如斯是豈天所相抑或吾未衰宣南昨書至
事隔三月知放齋奠匏菴伏地足幾痿扶起卒無恙未受疾豎欺
不謀適相合言之足解頤嚴裝各待發欲去偏遲遲金剛身不壞

諸語取自怡親朋辱慰問一笑酬以詩

病後訪蘇戡已先期赴津矣賦此卻寄

入春病在牀乃承君三顧何期頹廢身猶獲此良晤病甦造高齋

君已不別去準擬觀櫻花誰知春已暮駐足目窺園繡球尙滿樹

旋接頹濱談餽縷罄情慄出門渾不覺徑滑梗杖屨從容復登車

卻未失故步半生積蹉跌何處著驚怖病骨非支離勿勞君記注

一髮重如鈞六州錯休鑄未及臨別言且復一傾吐

讀陸詩有悟

詩到無人愛處工放翁此語極微妙蘭茗翡翠競詞華世士只解

時名釣翁詩老境益平淡掃盡糝糠入奧窔下筆一任寫天真豈

屑激賞泥年少詣深得意獨自鳴溟鵬那許鷓鴣笑

庸言

物本相離強之合事非前定若難移靜中一一回頭始信庸人

只坐癡心恨此辨絲縷豈遇西風日浴頭回以青春重結白

意無所逆斯為順序果能循便得宜日用尋常皆此理一生忙錯

又誰知

病退體驗病情雖得力於醫藥而陶菴心醫之言卒不可廢

老至幸無病病忽猛相侵百體失常度暝眩時不禁藥費不敢靳

本草勞搜尋飲食益節齋靜攝趨淵沈邇來得美睡神息融枕衾

徐覺長氣力殆可謝苓稜始知彼豎子兩月寇已深良方資藥力

要亦在安心病中足詩興渾欲忘呻吟志爲氣之帥毅然蠲煩襟

陽剛運不息乃可制羣陰陶菴授醫訣肘後亦千金平生所心得
拳拳匪自今

入春一病匝兩月得詩四十有九篇病不因詩爲起伏詩若與病
相牽連詩之成也心可主病之去也我無權豈知我以詩愈病別
有心法人難傳

人壽壽芬寄示倚聲兩闕布臆奉答

人問何世苟求全兩地流離各任天君自倚聲抒孤憤我方耐疾
鎮災年心知北轍終難覆夢到西湖已欲顛何似青春重結伴白
頭重話荔香緣

滔滔洪水虐蒸民大造何曾遠不仁要識彌天成巨劫終應胎禍

罪文人狂言莫便疑周內往事猶堪細引伸此席話今向誰訴與

君殆可溯前因

病後寄懷子瑜

彭澤傳宵逝歸來尙勵清課孫堪遣悶隱谷自埋名守默冬心勁

劬書老眼明平生兄事志病後倍關情

觀外國舶來品有感

鬼工競淫巧璀璨滿中華賤值操神算翻新起作家百般娛輿著

相逼入豪奢荐食渾無迹何人避豕蛇

讀周易

廢書兩月餘於意終介介病減目力蘇自課不欲懈案頭有周易
一日觀一卦乾坤較廣博期以十日計假年敢貪天聊了此生債

略參剝復機不昧天人界持此養性靈胸襟爲一快譬諸坐枯禪
取義殆不隘

讀唐虞

放翁年八十病眼常廢書然其興所至時還讀唐虞意其丁未造
侘傺半窮途老懷無由遣思與古爲徒置身臯夔間警欬接都俞
卿雲紉縵縵神賞博權愉兒時憶趨庭屏息立座隅側聞誦周書
醇醴味有餘宣光陳教語到今猶耳濡追懷涵泳意嗜好殆不殊
世人難索解翻笑爲迂愚老來微有悟祇覺可嘆吁我生逢百罹
夜夢慘不舒別闢一途徑冥想有清初康乾席全盛端拱垂廟謨
降及逢中興將相多耆儒神往昇平世睡味彌昭蘇豈敢希古人
送老聊爲娛委懷三代下能無慚卑趨此亦衰世志路鬼休挪揄

追和芝南食山園朱諸詩 朱諸卽閩語所謂番薯也

海濱民艱食種薯以充飢種得自番部取名意可知鄉民推先嗇
遺愛念在茲所以閩山麓舊有先薯祠君今愛土物易種不爲奇
文言曰朱諸殆以意爲之薯蕷卽山藥嵇狀說迷離諸或解作蔗
張賦註尤歧包譜闕紀載沈韻未補遺閩人作閩語從俗可無疑
里居供小餐食之甘如飴此亦青燈味君勿忘兒時

枕上

筋骸素頑健有疾不曾呻慮止心爲藥書拋目養神好尋方外夢
且避世間人喘息甦孤枕聊謀自在身

潮汐日再至魚鰕隨奔徙大網方截江取之供刀匕水族之所悲

漁人之所喜水族爾何愚奔波日不止一往復一來至竟歸一死
漁人亦何幸取快一時耳蒞利孽自生終亦必亡矣悠悠視蒼天
弄人胡如此

審幾

明季行亂政流寇因披猖匹夫起負責學說尊顧黃公憤之所激
不恤潰大防今究其流極勢已成汪洋世風日衰敗月旦久失常
有文無行輩眾口亦揄揚標榜本無俚隱患實孔長君子貴審幾
思之心旁皇牖下餘送老豈涉是非場焉死其鳴哀吾言可不詳
昨夜戒不作詩病體轉多不適旋復作詩愈之

一日不作詩頓覺意不適吾敢希放翁病後苦成癖友朋戒嘔心
勿使戕腦力吾亦思齋養精神自愛惜心齋學坐忘夜枕證玄默

誰知夢難成反側窘牀簀詩魔不相侵疾豎疑在側慎疾疾轉滋
信非徒無益重復引詩魂冀以調脈息蒼然一睡醒詩就神略憚
萬事忌有心惟欲其自得養痾亦復然今倘知所擇

寄移疏

促君南下作流人一往情深淚滿巾駝棘古悲空抱恨鱸菴吾土
若疑真故交泉壤多枯骨舉目關山又戰塵賸有居夷浮海感幾
人話舊可相親

一春不聞鳥聲晨起聞之而喜

連日黃梅雨乍晴燈花燼後小窗明門前車馬猶沈寂忽聽枝頭
一鳥鳴

寓意

寓

孤衾偃蹇夢難成起視東方正欲明眼底羣花渾已亂耳邊萬木
是何聲密雲不雨猜天意古井無波隔世情偏是池塘青草滿怒
蛙時作不平鳴

讀史感言

天下本公器一姓焉能私昭烈紹中山附會一旁支光武成中興
嗣統尙有辭益州僅割據所就固已卑曹丕一稱帝大勢已轉移
生息在休養罷兵正其時劉禪况庸闇烏足强扶持用兵四十年
民命爛如糜平情衡功罪殘民罪誰尸涑水仍帝魏原非背道馳
曹瞞固奸雄藉口殊有資稱王稱帝者大亂勢如絲以身當其衝
僅足殺陵夷此言原近辯亦坐漢業衰五季極喪亂無計可安危
陳橋飾兵變其心路人知然能定一時寡幼不妨欺陳搏墜驢笑

殆亦曲諒之古人罪善戰無非恤瘡痍戎衣果一定何必多瑕疵
紫陽倡帝蜀壹意提綱維吾學宋儒學豈敢妄詆謀第今逢百罹
腹削窮膏脂干戈猶未已百萬方伏屍愴懷前代史積想餘涕洟
敢徇文士習二表讚出師温公九原下其鑒予心悲

懷人

海內論知已生存有幾人不緣愁老病便是窘清貧自了終違意
相憐更愴神祇餘三夜夢警效尙能親

初夏書事
一病成衰朽知交漸不親高非資傲世熱早恥因人評史紓懷抱
耽吟養性眞到門餘二仲杖履亦常春

學顏

魯國方多事安貧了不猜至今千載後我尙慕顏回

稚辛題拙詩後依韻謝之

絕無麗句與清辭搖筆成來不自疑我學坡書憑臆造那知前有

古人詩

奇懷子瑜

荒谷容堅臥黃河耐待清寫真高士傳遺世散人名老學心彌泰

窮居道益明閉門忘甲子風月自怡情

至道期無我騷懷薄獨清不勝悲世事遑復計詩名抗志千秋遠

盟心兩地明涼風天末意寢食未忘情

夏夜卽事

窗罅露微月懸知是下弦三旬愁不雨萬耦寄于田苦旱民勞止

妨農意惻然常雩虔露禱絕憶在官年

端午

病甦又過一端陽撲酒菖蒲滿把香自笑殘年餘有幾可堪漂泊

向他鄉

前事何曾弔屈忘不知幾劫換滄桑橫流汎濫無涯涘但見人間

競渡忙

健忘

數典每健忘捫腹益苦儉眼花欲廢書又難燒燭檢擗摺終何功

固陋豈能掩老學日就荒私心自損貶不如學白描一味謝道染

率臆自成文尙可不加點

葛帳

憶在豫章時燕寢置葛帳選綵原非精但取供蔽障澣濯逾十年
裂坼迹相向敝予又改爲於義豈無當繼思吾生平一無物可長
臥對聊支吾何遽損坦蕩文正臨終時敝帳表微尙湯文正臨終遺破布帳一
具曠代懷清風民不到今忘我思古之人行義愧相況偃仰牀席
間百端動感愴

五月初九日睡起已過午知朝來得透雨賦此誌喜

甘澍崇朝沛幽齋一夢成起看櫺檻漏私喜滄溝盈農殺三時害
歡騰四野聲兵塵猶莽蕩聊此慰中情

戊寅七月奉慈親挈亡室黃氏及季弟長次兒長女並僕

婢二人全眷航海赴津改乘內河船二百四十里水程歷
十一日始到通州由通州黎明登車經石路四十里顯籛

五十年前帝里遊崎嶇石路發通州全家骨肉皆黃土八秩春秋

獨白頭今年入秋已開半朝迹已成疇昔夢兵烽未解故鄉憂眼中只有

和稚辛看雲樓題詠韻

老來意境若澗然敢信平生覺獨先一念哀矜猶憫世萬般錯綜
總由天漸從形外參玄秘空向人間享大年翻笑白衣蒼狗幻太
空渣滓不勝蠲

養病無俚辱魯青稚辛兩君時常過訪式慰岑寂

開徑接羊求幽居散百愁關情論老態話夢戀前遊意洽渾膠漆
身閒付贅疣仰天時一笑共看白雲浮

葆臣少余一歲病瀕危者屢今日自蘇州來訪爲之一慰

今日眞良覲知君尙健存所憐惟有病相對只難言未免心俱槁
更無文可論吳中詢近事舊夢不堪温蘇詩左想學蘇

獨笑

曠眼成今古閒愁付濁醪眈黎容自養君相笑徒勞華臚皆芻狗
文章亦弁髦莞然餘獨笑不耐讀離騷念夏管離騷卅萬紙散蘇

夏至

入春無幾時今日又夏至大病輒就甦不知孰令致選藥調肝脾
使筆運指臂漸復頑鈍身尸居養餘氣方去倏爾留爲問天何意
浩劫難遽迴側身已無地瓦釜何以鳴黃鐘何以棄瞠目不能言
生也豈非醉蘇詩

夏夜夢醒說夢

夢中景運值康乾歌舞昇平喜欲顛臺省同登皆碩學君臣相悅
盡高年乞言盛夏開千叟尙武神功頌十全睡醒一身仍病榻悲
歡俄頃隔天淵人半蘇詩蘇輪中日幸翁遺福樂果中蘇詩
說夢夢餘惟怨天一般雨露抑何偏太平宰相誇文采海角流人
感播遷早辦抽身逃世網不堪應制讀殘篇餘生豈有功名想國
病顛連淚暗濺蘇詩口吟詩蘇詩中萬千幾界不蘇詩蘇詩

散鬱

蘇詩六首二首

杜門尤悔寡簡事起居便散鬱風侵牖澄心月在天芻言存史略
孤意入詩篇湯沸茶初熟唇枯試品泉

挽吳樵笑

曩歲來遊喜其才氣俊逸而於閩派詩律尤守而弗失聚未經年而別茲聞其病瘵竟逝爲之黯然

慣看沒星河百計思引睡空自嗟蹉跎殆非假數年無從親睡魔
未知及其時昏昏復如何人生一迷夢無時無坎軻安得屏一切
獨尋安樂窩八十晉劉琨對餘寇志願胡漢清和漸入醉惡琴

瓦礫歌

瓦礫在路隅例爲人所棄若裹之以紙見者必注意若盛之以篋
肱者躍欲試同一瓦礫耳先後豈有異惟其作偽故是以爲人基
無實斯不祥義尤可充類丈夫居市廛本無足訾議惟其登龍斷
乃被眾人詈小人負且乘易曰致寇至富貴與功名亦豈可倖致
非有而取之災害焉可避所以古達人驚愚恥飾智同致只
本楊外孫世識以其高祖鯉菴先生遺稿乞題作此歸之君
世識吾外孫自幼授其讀年來露頭角頗覺不碌碌學步隨吟壇

氣壯無畏縮書法初學顏亦不病踟躕客歲歸廣陵遠搜祖遺篋
片羽得吉光珍重視結緣不恤我衰朽題贊竟相促後秀揚先芬
可使眾歎服世人誇收藏動輒千百軸輕重心無權家雞混野鴛
塵封能幾傳只供子孫驚何如寶故硯世守矢以篤獲從父兄後
書香自相續此志雖區區亦足風末俗

著龜

寡欲貧何損無才老更宜放翁言外意平叟病中醫志潔能捐憤
道存甯諱衰餘生憑此過不必問著龜

尙志

尙志卑夔遠評才管樂輕昂藏身自許侘傺意難平孽忍由人作
天胡任亂成餘齡今有幾已矣負蒼生

病後偶感

不作乘軒客，偏難舍杖行。飯甯資長健，藥若礙頤生。心苦書難著，詩刪事飽更。病軀自料理，笑未息營營。

憚暑怯天明，床敷汗雨盈。瓜涼惡蠅集，荔熟感蟬鳴。一睡如殊遇，三餐亦強名。常時辜夏健，病後更關情。

過夏

斗室蕭然別有天，茶鐺藥鼎度災年。略存老帶莊襟意，漸澹唐詩晉字緣。塵事萬端歸夢蝶，流光一瞥悟聞蟬。游心欲造深微處，靜看薰爐幾縷煙。

寄懷李伯行侍郎

聚首常多即事欣，莊襟忽惜海東分。周知域外言傾座，獨得寰中

筆張軍萬劫成灰，誰共話一心。念亂只如焚，公才不信難為用。從

古安危仗出羣

與公清談老癖

老來衰與病相乘，暮氣元應逐日增。已厭登高歷條華，未忘飲水別澗澗。和光事漸糊塗過，忤意人終面目憎。若鯁在喉時欲吐，傾

談誰是素心朋

百年同此一朝昏，安得閒身且閉門。眼熟山容還厭俗，意渾簷滴不嫌喧。難舒野興隨樵牧，終勝朝班潤鷺鷥。自誦平生銘座語，言

無不可對人言

余少年時每謂司馬溫公事無不可對人言，吾則言無不可對人言，至老不衰。

過夏齋居雜詠

檢點圖書乏專僕，摧殘筆硯有重孫。齋居不謂無清福，事事從心

未易言

腹飢偏厭加餐累病雜翻因屏藥安細意養痾生悟境怡然寢食
有餘歡

髮任病多仍變黑背因臥慣若偏枯平時臥小榻嚮明觀書歲久右背偏瘠一身元

氣分盈歎付與醫翁耐捉摹

我苦草書難復舊人言留疾可延年一般婉曲寬憂意實事相求

殆未然

移疏詩來有虎邱吳娘語因感舊事答之

虎邱回首爪痕留荏苒光陰二十秋士女如雲裙屐盛黃堂鹵簿

看蘇州吳娘艷名甲天下憶曩往虎邱祭厲壇時紅粉列隊水陸

環觀行春亦然太守只能於萬人如海中領略春光而已然祭厲一年三次前後六年司空見慣亦眼倦也

難從韋白繼風流軌步繩趨苦自囚百樣齋糲供一飽寂然絃管

夜歸舟蘇州船菜點心之美甲于海上其引人入勝者意不在點

在點心而已

過夏卽事

短篷編葦蔭幽齋無日無風亦復佳自惜殘軀珍似玉未妨傲骨

瘦如柴半生恩怨休尋迹一霎悲歡漫介懷病後起居多簡率客

來看食庾公鮭

六月十六日第三曾孫生

夜涼寢安便睡到午初起祐孫爲我言續孫甫生子似續隨年蕃

人事自可喜但願吾頽齡入秋開半矣今春復一病遷延僅未死

教養無吾責自有人料理惟吾目未瞑言又惡可已多男本多懼

古聖說如此生子無以養東餒逼在邇養之無以教蠢奈似鹿豕
教養事萬端具在詩書裏吾孫於此時當知其所止禮曰毋不敬
努力在修已欲學爲人父要從今日始

悲歡

人生到老境絕不著悲歡卽或偶有之亦祇一霎間悲來不自禁
觸緒摧心肝歡亦無終日散場卽闌珊古人言鍾情此意殊顛頂
情爲欲所役解脫豈不難哀樂寫絲竹亦似善自寬中年強制耳
夫豈真達觀老來微有悟萬事心不關外物來鑠我視之若等閒
四序有舒慘天運自循環無心而成化應作如是看庸人只自擾
情每倚一偏發皆不中節非意易相干激而徇喜怒志忒不自安
甚而戀恩怨平地伏波瀾終日蟻旋磨不能窮其端醉生而夢死

言之滋長歎

題曹靖陶看雲樓覓句圖

詩人說閒趣每笑野雲忙出岫雲無心笑之豈非狂不知笑者意
亦正耐評量浮雲滓太空正色非蒼蒼旋舒復旋卷作態彌飛揚
崇朝膚寸合流澤被萬方用汝作霖雨功故在稻梁若其蔽白日
太史豈書祥甚而迷五色過眼愴戰場萬變幻衣狗無乃太披猖
風雷一震盪瞬息歸消亡達人藐富貴由此觀收場笑者意自遠
何俟言之長高樓閒袖手想見中心藏詩成一矯首萬感接混茫

寄懷移疏

年來無事不驚人目覩橫流輒愴神只惜明珠竟投闔何曾贖鼎
可消真果朝闕闕淪書種百輩衣冠漬市塵差喜舊歡終不墜尺

書猶得笑言親
平來蜀藥入放翁詩句云更知衰病從今減萬里塵清蜀藥通今
力濟則醫方中凡藥有涉川字者價必奇貴病若不減服藥亦
亂多蜀藥無來路市價今仍逐日昂物力艱難時事急空教女子
怒韓康
南巢慚德動私憂太白懸頭病效尤逆取饒他知順守散財發粟
始興周
善人大賚武成功諍友西山慰苦衷易暴一言無左袒始知叩馬
是公忠

雜詠

腰圍瘦減語何疑一病居然皺肚皮浴罷振衣還自笑此君本不
合時宜
見說窮通數莫逃人間萬事只徒勞蹉跎到老今方覺始媿平生
結習牢

讀白陸詩

詩人作詩嘔心肝摹仿名家競馳逐繩幽鑿險各聘才博得名成
壽已促唐宋白陸兩大家獨以文言善道俗與來抒寫真性情純
任自然謝雕琢天亦不甚忌其才假以筆壺娛晚福陸較之白尤
渾全後死十年判淹速古來詩人數高年眾許兩家耳已熟此語
雖若近滑稽揆諸至理不可瀆天道好醜而惡澆此事何待握粟

卜世士性喜尙才華恥學白陸飾儉腹豈知詩學有淺深要以年
齡立之鵠涵養淺純斂氣深更事日多積理足試看兩家晚存詩
未至其時不解讀心不甚思其大器必學盡思則讀則讀之自大
時事感言道而大寒憊以文言善哉與來注真真謝
禍機兆自不平鳴解事纔能遏亂萌天道不能違剝復人生枉自
負神明聖君施博猶憐病雄主悔深終厭兵眾難羣疑耐排遣憂
時倦倦忍無情

歸裝

頻歲滯歸裝飄零亦自傷祇緣便疏嬾不甚耐料量隨地渾萍梗
願生願芥薑起居聊可適事過輒相忘

過夏口占

平生頑健藐期頤一病支離却自疑過夏今年無甚苦癡來又作
百年期

百年不死亦奚裨此事端宜仔細思試問雞窠中景象可堪說與
解人知

中弱冠時雪夜讀書聞賣餅聲甚悽爲之愴然今羸居近市夜
心言深復聞此聲有感賦此

壓廬風雪夜淒清意愴街頭賣餅聲五十餘年前影事今宵耳熟
尙怍怍

讀漢書文籍無與人小效曰帝夙幸荷安無礙望冥平琳業
擾擾干戈五載中起家亭長有何功爲民除害言無訛豎子居然
唱大風

民於帝力亦何求鑿井耕田儘自由約法三章甯簡率片言已足
信千秋史正薄中跋案寧是百四世爲民制書百無端邊千思然
嬴秦亂紀太支離稍順人心效已奇民幸苟安無過望良平相業
適時宜

藏弓烹狗語追原菹醢韓彭自寡恩善戰本爲民所惡聞知有
快心言史正薄中跋案寧是百四世爲民制書百無端邊千思然

關中定後亂如毛強飾承平亦太勞治尙無爲事休養那基鞏固
賴蕭曹

安劉誰識彼蒼仁刻意驅除若弄人孝惠無年如意慘爲生文景
莫斯民

平生對食歎史正薄中跋案寧是百四世爲民制書百無端邊千思然

齒稀無法決滯肉適口惟餘仗芥薑檢點食單恣飽嚼風流逐盡
少年場

祛愁史正薄中跋案寧是百四世爲民制書百無端邊千思然

說到祛愁便是愁擁衾不寐只蒙頭貞元天運終堅信却比旁人
勝一籌史正薄中跋案寧是百四世爲民制書百無端邊千思然

天問

別有幽情一往深小齋庇得暑天陰目窮過鳥難容隙耳聽殘蟬
偶罷吟一夢原無淹速例百年底用去留心不平事只餘天問明

月胡爲獨古今

和庸叟庭中夾竹桃盛開志慨韻

平泉富草木愛博疑不專一記叙瑣瑣亦似僭鄭箋何如眼前景

熟禾時雨不盈溝敗到吳民稽事不閑旱詣壇無我責立苗示範
憶前籌碑刊古刹何人意寒山寺立御碑亭畝勘偏災幾度秋郡守年例秋後勘災

今日巢痕難再覓上心影事涕交流不曾親臨空小口無意

病甦頗悟叩玄關白髮旋青尙半頰未許百端來樂我何愁兩豎

浪居間頤生偶亦親廬扁尋樂終當契孔顏老去詩聲疑漸變重

披少作不堪刪前食賦臥野蓋心平鏡宜遠青

立秋

節令届立秋時有涼風至亭午尙炎陽朝夕仍爽氣流序不失常
頗足憚人意以此窺天心夢夢豈終醉椒擾二十年天紀迭廢置
乾坤幾乎息迴旋已無地參錯復太平殆非妄希冀莫謂來軫迨

亂未極五季

哭次孫婦

孫婦親漸殺死去又何哭不知親雖殺所惜在賢淑自其入門來
上下無不睦吾孫嬾作詩渠能善勸促吾孫疏會計渠每爲之勗
此猶分應爲本不足表襮惟其習書翰鈔詩無畏縮每日累數紙
不工却能速檢書能耐心門徑亦漸熟晨昏侍高齋定省頗不俗
兩載承歡心大慰我老福一朝竟化去如失一高足几案書縱橫
隨在生感觸一哀而出涕嗟哉死不復老病甫獲痊餘暑况尙溽
奈何觀不澄徒自亂心曲作詩強自寬意在散憂感鍛就方長吟
仍復難卒讀

和庸叟雜感韻

習靜焚香日掩門
四時隨適度寒溫
敢辜大業千秋志
未貶昂軀
七尺尊陽羨
猶疎歸後計
邯鄲豈戀夢
中痕抱遺處
士今垂盡文
喪誰堪煮酒論

閒居

十載移官覲苑門
時艱共濟詔何溫
知難末運逃千劫
終惜諸君
負至尊故國
僅餘駝棘迹
勞生忍憶爪泥痕
百川迄少東之望
天道甯堪到此論

傷今

題祁文端哭弟詩卷

急難鴿原極百秋
鞠躬一老泣綸扉
誰知七十餘年事
尙有閒人
惹是非

舊府斜街展謁時

祁子和尙書舊府在下斜街四眼井

世臣喬木動人思
傳家墨寶

今流落萬海千桑
那忍悲

夜寢不安枕上偶作

積憂豈是杞人天
夜氣無從復湛然
浮世分明知是夢
瑣愁纏擾
奈難眠
頗思止慮神俱定
無那降魔力未堅
老學切劘元靡易
蹉跎終恐負餘年

秋夜卽事

撼樹難禁不靜風
黃昏猶自戀殘紅
百年生壙青山約
數卷遺經
皓首窮垂盡
舊交書未絕
無多晚著篋非空
而今老學還當勉
一日終歸一日功

蕭騷表鬢感秋風
對鏡顏猶不醉紅
但得氣充心自曠
底愁身在
事無窮
魚龍人海千場戲
鸞鶴雲霄萬象空
有限殘年休自棄
新知培養要深功

秋興

新涼漸霽火雲天一室栖遲近自然客去尙能捐杖送意慵每慣
擁書眠身從病後疑猶健志到窮時悟益堅垂老悲秋情轉淡零
詩自鍛餞殘年

蛇年

極思間適樂吾天常媿襟靈未湛然恂恍所遺多斷句尋常難得
是昇眠鋒芒不斂神疑越疴癢相侵骨豈堅近思癘疾甚苦不自賢心
可剖奈何久阨此蛇年

題無長物齋

我家無長物取以爲齋名器亦求足用不足殆非情不知物爲外
內重外自輕我不役於物又何所營營目不容一塵塵留使目盲

齒不容一芥芥在與齒櫻如何一室內能容此崢嶸若不知屏棄
煩惱終一生衛荆言苟完節制義何精湘鄉志求闕亦體天惡盈
我思古之人若相孚以誠矯枉豈過正贏得心太平

簡拔可乞雁來紅兩株

不乞梅栽與李栽難教秀色沒荒苔世觀皁白慵深辨生面丹黃
喜別開在眼儘堪寄瀟洒此心本未著塵埃夕陽西下怡神處豈
爲秋風耗耗來

癘疾未愈作詩止之

炎夏鬱暑濕癘疾應時生全家濱江居傳染速童嬰老夫久枯槁
氣力疑不効如何旬日間亦復沴厲櫻蛇年例坐阨人事多崢嶸
頽齡苦支拄幾與造化爭今復遭此疾患苦亦非輕終當醫以心

無使搖吾精
與北客談往事
枯筇徙倚夕陽斜
知有新霜點鬢華
千載河圖供飽蠹
百家野史半塗鴉
人才踈弛忘歧路
世德陵夷失舊家
酒保江南徧流落
壚頭談往幾咨嗟

秋夜有感

涼信三秋帶幽居
百病尋莫言明日事
且歛此時心
憂怖都無著
禪魔兩不侵
星稀河欲沒
兀兀對孤衾

有悟

治亂由來非驟成
世人只解咎公卿
青苗變法爭何烈
白雁南來事始明
自是乘除寓天意
遂教塗炭逮民生
千秋此局知多少
水

火朝端只強名

寄別呆婿億女回京

春初聞我病戒塗
極務偕行幾盡室
氣銳不可當
呆婿久契濶
別不止十霜
一旦驟相見
驚喜真欲狂
我疾邁厲虐
勢來殊披猖
不日雖稍殺
起伏仍無常
所幸善調攝
安心得良方
徐徐養元氣
度此夏日長
病中賴消遣
兒女歡成行
燈前談今昔
間亦羅酒漿
呆婿工書翰
筆姿妙迴翔
爲我錄舊作
工整飾縹緗
光陰如箭駛
荏苒半載強
汝今言歸去
歸亦不爲忙
問汝來時意
汝固不暇詳
問汝歸時意
所願應大償
人生如意事
此亦豈可忘
臨行滿瑞氣
若爲祓不祥
笛鳴車颺發
逃聽倚秋床
送行自崖返
斜月正半牆
此時一瞑想
意境轉茫茫
尋詩追陳迹
和夢搜枯腸

外孫女諉見磨刀者鬚髮蒼然問其磨刀所得每柄只銅元
四枚耳惻然曰吾此後不食八枚洋糖矣其言甚可喜故
於其歸復以詩獎之
汝歸無可說勿忘磨刀言留此一段事待告汝子孫
某病後精神頗健喜而有作
歲月棄我去奔如下坂輪貞元老朝士海角一流人盤錯飽更事
飄零餘愴神災年經百病又獲健全身
書至隨意答去詩來頃刻和成爲問忙的甚事消磨此日浮生
渴甚飲不滿量飢來餐偏留餘爲問本意所在調停病後起居
天賜感言

舉世兵戈猶攘攘驚心歲月去堂堂邊窮正待移民實
西北連年兵荒人數
減國瘁何堪作法涼來雨述謠傷與弟匪風鑿古痛無王蓬萊清
淺無多水禁得人問幾海棠

民間風氣通塞有不可思議者王寅由撫州回任建昌行館
中燃洋蠟燭鄉民詫爲不經見聚而觀之庚戌蘇州舉辦
自治鄉民燉倡辦者之屋並有兄弟二人同居擇一而燉
之皆事之極可異者追憶有感

西來蠟炬詫非常觀者居然若堵牆此事距今三十載滿城電火
已輝煌
自治尋仇阻布新無端毀屋集鄉人時爲宣統歲庚戌民是蘇州
首邑民

昔往吉林有一日宿伊通州城門上書伊通州三字絕無城郭規制行館亦陋又一日宿新民屯係一大村鎮車運鉅量土貨絡繹不絕行館借一質庫亦較寬廣一極荒涼西來一極繁盛然皆不失太平氣象此三十六歲時事距今四十年矣今昔之感爲之慨然

危坡峻坂綿千里騎從隨行不計程忽見州名書墨字始知斗大有山城居民驚愕悄無語官吏蕭條若有情寂寂樓停漏點一宵穩睡到天明

伊通州

遼海菁華歸巨鎮肩摩擊匹通都操奇固仗雄貴力貨殖終歸土物腴邊塞民生資富媼比鄰羣聚靖待禮帷暫駐如行旅習氣官場一點無

新民屯

蟹螯

偃偃終日悵安歸獨倚枯筇對夕暉未免買山辜我願差無營窟惹人譏浮生羈旅皆如寄頻歲因循未算非只恨忌葷坐多病菊

阿房宮

秦有阿房宮規模極華靡杜賦鑿興亡備斥其淫侈只爲一姓娛遂集萬夫指楚人忽一炬僅餘焦土耳竭來居滬濱驅車過北市幾千萬落問恍惚恰相似粉黛與珠玉不啻此勝彼昔惟媚一人今若公四海牧之之所言自當進一解不知盈滿災斷無倖免理人情務窮奢安樂終必死季主說盛衰誰悟其言旨繁盛近百年岌岌乎其殆我行闖闖中隱憂正無已冷眼看流丸甌臾何時止

故人自知飲... 六年人比一年老一日心隨一日平無謂是非慵置辯偶然恩怨
久忘情病餘敢望增強健毫及何勞問死生誰道光陰盡虛擲衰
殘漸有自知明

和曹纒衡祠部自題移家圖卷

覆菴西畔柳堂東恰好三椽蝨在中潛伏十年郎未老旁皇一徙
病誰同在京時寓南橫街八年後因全家患疫元配及季弟海桑
婦連日病逝旋即移居鐵門又十年而謫守西江海桑
遘變千重恨家國傷心萬事空吏禮兩曹盛科甲忍持朝迹慰衰
翁

逝水光陰東復東騰騰五十二年中霓裳空憶羣仙盛商嶺纔餘

四皓同所知若樊樊山吳蔚若閩少窗
並余而四雖有遺者恐亦無多歲醉莢觴人漸少此間九
日老人

會年有少
人之歎事悲某局夢難空貞元朝士甯寥落若箇今非老禿翁

聞浦口運兵有感

頻年苦盼甲兵休鑄錯端知悔六州舉世已蠲門戶見羣生但爲
稻梁謀如何癥結醫無效難得區與丸不流眼底危機仍四伏仰
天底怪杞人憂

庸人

天下無庸人海宇可無事小人負且乘一旦遽得志墜行在冥冥
勢必致寇至自命佼佼者遂亦求自試當其發端初一鼓奮銳氣
正色而立朝侃侃持清議求治惜太急又復雄子智更事本無多
不免乖措置此亦狡中庸豈是大受器千里毫釐差徒足亂人意
況其依附徒門戶爭樹幟治絲絲益勢乃爲眾厭棄巨奸乘隙興

悍然毫無忌變本益加厲萬事等兒戲國本繫苞桑一敗竟塗地
漢唐迄宋明釀禍無二致金鑑垂千秋思之心為悸嗟彼自擾人
賢路那知避

謝庸叟贈北京醬菜

本來自陸當其齋說時一趙齋後

十載長安道僑居久鐵門醃菹鄰列肆北京醬菜以鐵門為最有名酸菜味知
根珍重分甘意追尋印爪痕寒庖資潤色侑飽妙難言

蒼生

今年又復過中秋龍漢傷心巨劫迨一雨催成商意足百年贏得
妄身留蒼生霖雨無窮憾青史功名未死休事自知難心自苦

陸詩

苦心愈覺
著書難著書豈敢怨窮愁

夜意

門前車馬寂夜意正蕭騷雨隔蛩聲碎燈殘鼠膽豪怯寒尋厚絮
懲疾屏醇醪客冬畏冷破戒飲酒今春病作仍止引睡翻詩本沈吟不厭勞

讀放翁眉州披風榭拜東坡遺像詩

王德信

眉州畫像拜東坡披風榭前江山勝孕奇鬱爲詩書城眉宇崢嶸
人起敬醉魂不醒風袖飄元妙難以一言罄玉京謫墜有自來奉
爲老仙名較稱獨把俗子斥逢迎胸中自別有蹊徑北扉南海均
夢耳不著一字筆尤橫元祐紹聖事堪悲綱目微詞義自正翁與
紫陽入神交絃外之音頗耐聽

惡盈

出榮燭本平生自顧齋飄盪賦辛辜藝樹不取青史

老來見理漸分明天道無他只惡盈官本儻來奚足戀名非不朽
底須爭一椽可庇真安宅數口無飢卽大烹鬼瞰高明君記取能

消清福是儒生
孔真交字幾自無
謝道大烹泉烟高
世傳靈運
杏來秋意
神衣問天
豈無掛只惡
蓋自本
淵來矣
思戀合
其不
卅年宦迹
幾枯榮
飲水平生
自勵清
歷盡艱辛
建樹不妨
青史
逸吾名
補交蘇代之音歌

舍情脈脈對孤檠
一病支離百感并
負盡蒼生長已矣
底須留眼
看河清
名如

入春一病太支離
自料長於此
會辭半載沈綿
還復起一觴
醱醉
若猶疑澄觀
豈羨美長生
術感逝難
獨卽席悲
王雪老新逝

在眼牢愁萬斛
入支頤
王雪老
四面雲山遙
和庸叟卽席韻
蕭綱兩副道響奔壑
怒風飄寒封寒
轉翠紫

半生不道迷津久
不如意事十八九
疑雲四布兵未休
魂礪無從
澆以酒蓬蒿
三徑身退藏
舉目誰是忘
機友把萸
高會氣象佳
依然修竹在
左右病起頑
健非去年對面
青銅自疑醜
五年廣續敘
舊歡入座
奚問在斯某
七人暮齒半古
稀自是先零
異蒲柳世眼
珉玉方迷離
敢挾尊疊傲
盆缶主人盛
意逾平時
簋貳不約
納自
牖老生忌
葷口流涎大
嚼猶能罄
筭非孤懷
對食終難
忘每望京
華悵南斗
相期共葆
歲寒身漫
向明年猜
健否由人
燕盃午
重陽後二日花近樓宴集

百尺樓頭望四荒
頻年飄泊尙他鄉
故知白骨終坏土
且向黃昏
憂夕陽夢裏尋
詩多死友
夜夢詩鐘盛
集舊人特多
人間偷活幾生
王蒼茫
俯仰追陳迹
萬感都歸酒一觴

得勝適逸

喪志羞温飽藏身謝涅磨適茲垂老逸梅到昨非多文字資澆悶
光陰付養病豈愁來日短意早薄雞窠

秋聲

寒意砭肌百感并蕭騷庭院滿秋聲蒼生自古由人誤豎子何曾
徽幸成一發難收原坐劫干夫所指孰原情貞元推嬗有淹速莫
謂冥冥不可名

幹高聳竟有參天之勢書此誌感

十年樹木本因時今日陰成慰夢思夾道綠杉樑棟選交柯翠柏
雪霜姿杏林經雨光逾豔梅幹參天事更奇荒塚手民認梨棗游



人指點漫相疑

守蘇州時因厲行新政在植園內植樹二萬餘株
大者檜柏椿杉及羅漢松五種皆夾道分行餘以
散種桑秧為多花則梅及桃杏為蘇之美產每種劃地數畝各種
小秧數百株雜樹尚不計數非專意種梅也于埜所見特指其盛
者言耳此外叢塚一區為刻字匠叢葬之所手民籲請保護
因周圍種棗梨以誌其處事隔二十年未知榮悴如何耳

禁申剪伐似當時不盡邦人繫去思已見千章留美蔭懸知廿載
轉春姿歲深羣享乘涼福土沃應驚敏樹奇他日重尋鴻爪迹討

春倘質耳聞疑

植園小山

意期廟貌肅觀瞻豈許蓬蒿迹久淹因塚成山青不斷貼泥蕃草

翠如黏髮餘枯骨心常履歲久殘魂惠其霑一簣未成原有愧權

宜亦自喜沾沾

植園創始因文廟左近為聚餘叢塚大府力促修
治而憚於遷葬乃度地得二百一十四畝緣以圍
牆相其叢葬疎密地勢繪成山形然後鋤地面瓦礫堆積上加
以土坯逐一掩蓋一雨之後草活泥勻蒼翠可觀發後殘魂居然

青山埋骨矣于楚談次以樹木已成而山不數初爲憾則未知當日經營之苦也

和葆臣哭兄詩

十絕吟成意愴然
肫肫至性本關天
滄桑人事原多憾
俯仰平生益自憐
有限孫曾酬白髮
成行昆季盡黃泉
何當泯盡彭殤迹
笑謝南華第二篇

謝南華第二篇

讀老子有感

聖人不死盜披猖
猖語戾常經訝放狂
今日飽更千百變
始知此老
是通方
三寶戒爭天下
先道歸謙退
理當然
一篇清淨探神髓
成就人間
幾少年

海上看菊有感



觸目傷心感舊遊
無端縛菊竟如囚
年來悔入無知俗
不負黃花也負秋

黃花神賞在無形
紅紫甯邀冷眼青
高士自應重陶愛
漫隨人說滿天星

初冬約庸叟慕老小飲

傲廬容膝亦迎賓
禮數寬時笑語親
却喜相將逃世網
不妨自認作陳人
曠懷儘許渾觀奕
後起何須厭積薪
賸得春明談屑在
酒酣歷歷話前塵

安眠

夢夢猶是薦瘡天
戰壘頑雲鬱四邊
廣武成名定誰子
輪臺悔禍豈無年
飽經憂患慵稱老
自檢身心訝入禪
一事爾來差可喜
中

宵引枕易安眠
思爾壽自感良小
人聊一事爾來
夢七十初度時
匏菴贈詩有兵塵
瀕洞乾坤窄且辦
雞窠老此
生語重披舊稿爲
之黯然

匏菴孤憤說雞窠
過去光陰疾似梭
賓客當時盛談讌
音塵今日
邈山河櫻心世事
猶飛瀑觀局仙棋
未爛柯俯仰蒼茫
憐後死屋
梁夢月涕滂沱
實斷雙寶和芙蓉
露伏喜淋漓出世
賦不復自
夢魚

夜夢路旁一渠水
中有魚兒千百尾
魚長僅及二寸餘
似鯽非鯽
難俚指瀨淺盈尺
無急湍勢故非流
亦非止羣魚奔竄
不稍停下
上隨流相披靡從
來名士嘲過江其
數多與鯽魚比豈
知名士日
奔波心雖逐逐貌
不爾今觀此魚狀
傍徨蹙蹙不知其
所以一若



待涸深擔憂轉瞬
一身殆稿死我立
諦視方移時悲從
中來難自
已孤寒入百其爲
魚忽聞雞聲蹶然
起
不讀呻吟語有感
民情不可使不便
又不可使其甚便
從來爲政在便民
轉語如何
例忽變呂氏少讀
聖賢書宦轍中外
歷幾徧民之情僞
其盡知治
體周詳語無倦以
德道之以禮齊兩
義引伸許獨斷王
道霸術正
謫分豈任天人相
交戰要知便與不
便間出入權衡劃
然判苦爲
後世申禮防莫視
此言猶河漢

祝魯青生日客皆
不相識坐不安席
而歸
今春我大病君秋
病亦劇病狀皆可
死不死若奇獲今
日祝君壽
相見健如昔白首
續餘歡是亦天所
錫準擬陪君談爲
君慰岑寂

誰知華堂開雜選來賓客老伴無一人坐不能安席未及醉一觴
佳辰太可惜所喜臨行時君姪得面覲管樵尙有一女喜得

年舊夢藉此一袖繹歸途詩率成略吐我胃隔手蹇不能書聊此

疥君壁賦詞莫匪此言離詞莫似校書客當時盛讚言今日

論庸叟以還書歎見示悼雪丞廉訪也亡書還書尋常事耳而

注目則靜物若動久視則熟字不識譬若物失驟索難他日每以

無意獲此蓋目眩於急求非物當時或走匿目蔽於物失其官心

遂不免爲所役呻吟粹語論治心樸實說理可爲則東都事略繆

小山校精花近樓中藏之壁亡書還書一歲問證以此語耐袖繹

去年友在書竟亡書亡於我故無責今年書還友已亡友亡於書

亦無適悠然忽悟逍遙篇可與物冥參消息造物無物物自然純
任自爲無人力兩無所待變常通大可忘形取自得書亡書還事
尋常所往無非造化迹語其至極游無窮此意不離亦不即

概言詩寄世悲烈谷空樓天母教甲吳恩憐露對尋常語

阨窮枉自惜惺惺身世飄零風打萍米出蠻疆渾下咽藥來敵境

競微靈橫流何止日千里奇變惟餘目一睜閒把南華索玄解無

爲付與物冥冥對雪偶成對雪偶成對雪偶成

風饜雪虐冷砭肌鴉雀無聲簇滿枝裘做呼兒難換酒爐温撥火

獨尋詩憫人忍負知寒意墮戶甯愆改歲期終見陽舒勝陰慘春

臺不失樂熙熙詩書史苑詩書史苑

臺下次庸叟過馮蒿叟故居韻

公當壯年時木天獨健步雍容出輅車謗不速徒銅書翰丐膏馥
猶認滌視處補外宏經綸決起倏當路乃鬱海桑悲終掩宿草墓
江樓追酒權倦倦意猶故相嗟天地窄提筆空四顧兜率歸其天
不住若常住萬變付一瞬後死有餘慕行將從公游是非息丹素
幾幾近事有感

朔風穿牖氣淒清靜對孤檠夢不成萬種笑啼皆妄相百年終始
一勞生枉從浮世悲陵谷空盼天河洗甲兵悶欲覆棋尋舊譜長
安近事正崢嶸

讀莊子內篇齊物論無有之矣垂老溯宦遊不覺愧莊子彼生七雄時
治道言無爲於傳有之矣垂老溯宦遊不覺愧莊子彼生七雄時

不



舉世失道揆霸術挾富强沾沾各自喜儀行尙從衡不恤人冷齒
楊墨與許陳邪詖更紛起洪水正橫流大盜憂不止立說醒世迷
發明無爲旨同仁視堯桀齊物一生死萬化歸自然大防不妨弛
篇中皆寓言言之豈常理孤憤抒苦衷却亦時當爾我讀聖賢書
學未優而仕發迹自考功斤斤整風紀補外職親民易俗求其美
改步重下車冥行夜不已空懷奮發心轉益叢脞恥一事終無成
徒亂人意耳重披南華經不啻顛有泚今日看域中人心抑何侈
但知乘長風絕不鑿止水壹意矢孤行就屢忍削趾意謂大有爲
有爲豈若是豪俊出爲時何必強臧否逐物物不化此說自近似
何如順自然天地本非指萬化無爲成泰來豈終否

看兩曾孫認字

平齋詩集卷三

七

儒曾已五齡能認數十字認多便憚煩不免中情氣書曾僅兩齡
生性似穎異兩字指天馬移步尙牢記十年就外傳爲時却未至
家庭重教育舊學業當肄語云養不教父過豈能避古亦重母教
情親力易致渠自有父母又干吾底事課孫不課曾放棄夫何忌
放翁視雛曾却有別致竹馬與紙鳶尋常其嬉戲彼豈有童心
娛老且肆志集中存一詩偶然殷相示殆因其稍長聊以寫大意
余中年後記事尙不差惟於記人姓字境過輒忘殊不可解
五十年前事猶能強半詳逢場多晉接追記轉迷茫乍見形容似
沈思姓字忘鈍根疑夙具不盡爲頹唐黃山禮自然大而不故
舊書
紙背痕猶補綻留眉頭寒具半沾油叢殘中有青燈味飽蠹羞他

萬卷樓

自悟

冬温作雨裘旋脫夜冷催霜衣復添瞬息起居耐調適不應終日
下重簾

移燈難救飛蛾死秉燭終教黠鼠逃用盡機心乖物化人間萬事
笑徒勞
冬夜不寐有感
早秋書到
說到遂初殊未然海隅流落又今年智愚各自廬千慮瓦玉誰能
策兩全世事戲如耽博塞危機逼尙戀鞦韆老來漸覺諸觀激動
息常遊淡定天

題庸叟十五歲時學古書院試卷

取士論真才童生最矜貴草茅充新進年齒並幼穉縣府歷學院
科條偏求備題不專詩文經古業須肄寸晷風簷中嚴格難引避
磨勵功未全那敢及鋒試豈如黃白榜僥倖名可廁忝爲過來人
敢斷無疑義所以書院興預爲造就地拔尤助膏火培才有深意
公在志學年神童譽早熾書院試學古冠軍不論次少作殊觥觥
若行所無事詩賦辨與啟冠以經解二懸擬舞勺時腹已富經笥
疆寄宏經綸卽此見根器撫卷依青燈盎然兒時味制作追熙朝
萬感縈寤寐

和慕老題鄉會試舊卷韻

鄉會試卷禮部藏之卷庫歷年久乃焚燬一次在京時適值焚卷之

期魄菴正掌司印宛其取出得免一炬

明珠當日遺滄海寢饋天崇有大文

慕韓曾挑膽錄原卷例歸吏部余當時抄堂批相告來詩

提及
此事
逢君唱酬此樂知無極
聲鼓何聲置弗聞
戀戀師門詩本在
八哀
猶及頌先芬

要言

少陵有願庇寒士廣厦萬間平地起過江如鯽人感恩不啻肉骨
而生死一時但博士歡顏公家不恤物力艱膏血奔流赴海水材
本轉瞬禿蜀山士固不寒民不暖行見士聚而民散士有恆心民
不能要策萬全勿左祖

入冬奇暖小至日忽大雪氣候始正

兼旬暖燠異尋常夏令冬行詫不祥今日同雲欣廣被霎時珍氣
已潛藏歌豐明歲原堪卜憂國予心總未忘忍凍疲黎艱食力懸

杖梧度此二年時事後從容却耐思敗意不堪災病擾夏秋間春

竟有亡者狙秋纔適起居宜養生飲啖還能健煨暖毳裘尙可支去年畏寒

爐火過度入春遂遭風疾今年大雪禦寒之具減去一半亦尙安適好事阿咸說初度詩餐家術亦

如期顛中詩局餽客限

多詭蛇年遭駭機敢期重唱鶴南飛一陽來復春徐轉五載還掩

古更稀酬答詩應多慰語飄零願尙負初衣因循久客成何事敢

謂頻年計未非

冬夜范氏女追述癸巳秋其繼母禳斗減壽爲吾母禱疾

事後果有應因伸其說紀之

光緒癸巳歲孟秋吾母病胃時方亟亡妻薛氏已繼室晨昏侍疾

自在側纏綿經旬疾未瘳不免惄然憂難釋渠素喜讀方伎書演



術乃禱斗之北庭中夜燃百八燈畫地字如律令勅點以樟腦燈

齊明念念有詞口唧唧潛心默禱期有應乘間爲之只瞬息北斗

一星主一日分日虔禱歷七夕術忌人知知弗靈只攜一女助之

役女穉時纔十二齡術之詳晰難詢悉只知減壽益姑壽期以一

紀爲之的天一地一除兩年一紀十年事乃實不日母喜占勿藥

事過更應守緘默光陰荏苒忽十年癸卯季秋果大戚母女相語

詫神靈仍戒洩機被神責我竟累歲懵無知豈能無愧人子職邇

來養病居海濱女與女孫聚一室燈前瑣屑談舊事女始追憶言

歷歷人生壽夭自有天豈能禳禱得神力會逢其適誠感神神亦

偶示人不測神道設教易有言盛世故不禁巫覡吾妻庭訓通九

流一時愚孝心自迺其事終始忌自炫詭言神責亦有識事越卅

年使我知天殆不忍任湮抑我悲風木念其誠寤寐思之滋排側
傳之家乘示後昆家祭時可追其迹

大雪奇冷爲數年所未有因憶壯年出關之役有感

形影相依爐火活飢寒差慰菜羹香遼陽八月三更冷就炕纔甦

手足僵夜睡醒手足全僵須移臥火炕沿始甦

絮幕抵將簷雪虐韋氈擁得被池寬雞林九月風霜苦裹袴羊皮

不禦寒

讀老子

蘇轍論莊周謂特滑稽耳老聃說道德未免戾常理不知老與莊

亦各行其是略迹而原心奪朱漫惡紫老子仕衰周本爲藏室史

世人奉爲神謂其生無始李下左腋生指樹姓爲李凡此無稽言



不值一冷齒馬遷誠解人斷爲隱君子殆亦沮溺流但能文章已

周衰政教隳民不贍救死列辟逞干戈囂然亂賊起孔子作春秋

自任中流砥彼亦極高明默爾引爲恥假柯旣無人朝政不勝秕

鹵莽而滅裂不恤千夫指同具憫窮心流丸苦難止高論闡無爲

矯枉言敢矢別闢一途徑直追洵穆旨徹上不徹下雖不免偏倚

但其獨到處鞭辟亦入裏孔氏諒其心不以爲不韙譽之曰猶龍

夫豈謬臧否莊生沿其流時政益波靡憤激託寓言不惜涉譎詭

大旨宗無爲奉若爲道揆同是有心人被蓋有取爾讀書知古人

是以論其世不生亂離時亦未易悟此

和慕韓雪後小飲韻

病有二年艾居猶一畝宮回旋忘地小曾次付天空簾閣爐常煖

窗明雪未融煎糜聊慰飽幸有米雙弓
今夕復何夕相看只白頭頗疑天願醉難覓地埋憂士飽誰能贖
民勞汜未休愁唇辜酒力惆悵對觥籌

對雪有感

風饗雪虐怯開門四際同雲晝亦昏爲問今朝是何世晦盲否塞
此乾坤

簷頭凍雀噤無聲氣象陰凝信可驚語與羣兒休恐怖陽光一閃
定開晴

歲暮懷弢叟

干戈擾擾尋常事此局端應古所無少小那知得今日彼蒼何意
厄吾徒逢人欲語誰能喻憤世多端奈太孤賸有吟朋資慰老衰

殘歲月且枝梧

梅花五詠

冰肌玉骨雪精神占得江南第一春賦就離騷偏負汝平生意早
薄靈均

揚州再至樂無涯每爲官梅報放衙詩興人間高水部居然東閣
屬吾家

鈴閣高寒媿獨清評章別具一般情心腸鐵石花相印作賦休疑
宋廣平

本是無妻強有妻孤山甘載媿高栖歲寒清絕無雙品寄語逋仙
漫滑稽

一集匊南盈萬首最多無過詠梅詩化身直欲分千億此老迷花

未是癡

一歲一除夕

詩人每作詩作詩寓嗟歎半為老與卑我老寢成朽

遲暮何所悲但取除舊義亦豈匪夷思厄歲邁災病歲換勢倘衰

夢夢天正醉醉宜有醒時屈伸起伏理季主嘗言之人間尙視息

安能無後期骨肉適團聚今冬兩女孫先後來樂酒且自怡兩行燒高燭余

平惡放爆而獨坐待晨光熹時效潘耒與天閣高水壻張然東閣

喜高燒蠟燭

壽豐

本思王晉書蘇軾古詩正南翰一春頰涼瀟瀟買世不主意早

一歲一除夕詩人每作詩作詩寓嗟歎半為老與卑我老寢成朽

遲暮何所悲但取除舊義亦豈匪夷思厄歲邁災病歲換勢倘衰

夢夢天正醉醉宜有醒時屈伸起伏理季主嘗言之人間尙視息

安能無後期骨肉適團聚今冬兩女孫先後來樂酒且自怡兩行燒高燭余

平惡放爆而獨坐待晨光熹時效潘耒與天閣高水壻張然東閣

喜高燒蠟燭

本思王晉書蘇軾古詩正南翰一春頰涼瀟瀟買世不主意早

一歲一除夕詩人每作詩作詩寓嗟歎半為老與卑我老寢成朽

遲暮何所悲但取除舊義亦豈匪夷思厄歲邁災病歲換勢倘衰

夢夢天正醉醉宜有醒時屈伸起伏理季主嘗言之人間尙視息

安能無後期骨肉適團聚今冬兩女孫先後來樂酒且自怡兩行燒高燭余

平惡放爆而獨坐待晨光熹時效潘耒與天閣高水壻張然東閣

喜高燒蠟燭

本思王晉書蘇軾古詩正南翰一春頰涼瀟瀟買世不主意早

一歲一除夕詩人每作詩作詩寓嗟歎半為老與卑我老寢成朽

遲暮何所悲但取除舊義亦豈匪夷思厄歲邁災病歲換勢倘衰

夢夢天正醉醉宜有醒時屈伸起伏理季主嘗言之人間尙視息

安能無後期骨肉適團聚今冬兩女孫先後來樂酒且自怡兩行燒高燭余

平惡放爆而獨坐待晨光熹時效潘耒與天閣高水壻張然東閣

溫州

